

N.B. Huyghensia Adam. Selectorum Casuum Conscri-
p*ti* en*ti* Centuri*is* IIII. 12. Calon. 22.

M. II. 23

Biblioteka
Ojców Kamedułów
w Bieniszewie

273 lat w 1940 r.

V I T A
S A N C T I S S I M I
P A T R I A R C H Æ
R O M U A L D I
C A M A L D U L E N S I U M

Monachorum Fundatoris ,
& Eremiticæ discipline in occidentali
Ecclesia , Restauratoris .

A S. PETRO DAMIANO
Cardinali conscripta ,
Ac denuò typis ædita , cum Fabrianî
ab Abbatे , & Monachis Sancti
Blasij Solemni Pompa An-
nus Septingentesimus ab
obitu ejusdē Sanctissimi
Patriarche ageretur.

*Eduardus Libri s. I. B. Joannis Cantij F. C. M. E.
Romæ abbatij  applicat Premo
Varia tentio p[ro]p[ter]e biblioth[ecae].*

R O M Æ E T P E R U S I Æ
Typis Constantini 1727.

Superiorum permisso.

11122150262
280000000

KELAUMON

11122150262
280000000

S A N C T I S S I M O
P A R E N T I
R O M U A L D O

Indigni Camaldulenses filij
D. D. D.



V N V S te dignum ex-
hibent tibi magne Pa-
rens Romualde filij tui ; quid e-
nim te dignius esse potest , quam
mores tui , virtutes tuæ , vita tua,
tu ipse ? Dignum nobis filiis , quo-
rum gloria præcipua tū es , ideoque
tantum Patrem jure tenemur ama-
re , colere , ac venerari ; in ejus
virtutes inspicere , admirari , com-
mendare , & pro viribus etiam imi-
tari . Dignum Scriptore Filio , Pa-
renti non absimili , nimirūm Petro

Damiano, sanctimonia, ac doctrina apprimè nobili, qui an majorem acceperit à Romana Purpura splendorem, an dederit anceps est. Si quidem illi postquam mores tuos cum vestibus tui ordinis induit, in sancti Vincentij Monasterio degens, ubi tu antea sanctissime vixeras, aliquique ex tua disciplina viri sanctimonia vitæ per celebres, diem extremum clauserant; cum inibz animadverteret eximiarum virtutum vestigia non leviter impressa, ipsique parietes vitæ tuae beatæ suavissimos spiritus illi afflarent; adiecit animum, ut facta tua heroiaca publicis monumentis cōsignaret: non modo ut officium, cultumque suum erga Parentem ostenderet; verum etiam, ut in se ipso, alijque religiosissimis fratribus amore in te maximū excitaret. Quæ causæ impulere nos pariter, ut impressentia hanc eandem vitam tuam de integro impressam audeamus tibi ea, quæ par est reverentia præsentare

tare ; nostri erga te amoris , & ob-
sequij argumentum : ceterisque
fratribus incitamentum ad tua se-
stända vestigia nō lento gradu. Ex-
empla enim optimorum parentum
speculum sunt ; in quod dum filij
inspiciunt , primum mores suos , si
quos habent , degeneres intuentur ,
eosque totis viribus emendare con-
tendunt , deinde se ipsos paulatim
singunt ; & componunt , ut in acti-
bus suis similitudinem , quam pos-
sunt , exprimant tam excelsæ vir-
tutis.

Igitur Pater optime intuere cō-
filia , secunda votum filiorum tuo-
rum , Accipe libenter , quod tibi of-
ferunt quia tuum est . Fac eos asse-
qui , quod exoptant . Discant à te
veram amandi artem amantē De-
um. Ardeant virtutes æmulari tu-
as ; nec umquam cessent per tritas
à te semitas ad tuos in æterna felici-
tate complexus properare .

P. JOANNIS
BAPTISTÆ
BARGIOCCHI
è Societ. JESU.

S. ROMUALDI SCALA

De terra herentem Scalam miratur
olympo
Prole Camaldulea clarus in orbe Pa-
rens .
Hoc aliqui scandunt reserati ad limina
cœli ;
Hæc reliqui in niveis vestibus ima pe-
tunt .
Fortunate senex superam cui templa pa-
tescunt ;
Cui Deus his gradibus mollit in astra
viam .
Conscendant alii flammanti sydera cur-
ru ;
Scala tibi currus , nec minor ignis a-
mor .

Ejus-

Ejusdem
DE BEATO PETRO
DAMIANI.
Scribente Vitam
SANCTI ROMUALDI.

Gloria purpurei Petrus veneranda
Senatus,
Quem sacra templa colunt, quem so-
phos omnis amat.
Dum Romualdi memorat pia geſta Pa-
rentis.
Fit genitus, magno non genitore mi-
nor.
Nam quod charta refert calamo signata
fideli,
Imprimit in docili corde magister A-
mor.
Ergo quis à Nato valeat dignoscere
Patrem;
Inclita si virtus par utriusque fuit?

Ejusdem

Mater lac subtrahit

P E T R O D A M I A N I

Infanti, Pelle~~x~~ illam co-
git, ut reddat.

LAc negat in cunis Petro nimis effera
Mater;

Se noscens multa prole gravare
domum.

Increpat ast illam pelle~~x~~ dum voce mi-
naci,

Cogitur infantī reddere lacticē opem.

O pietas, o Matris Amor non pellico
dignus;

O Nato peior pellice facta parens.

Sil lupa desertos aluit pro matre gemellos,
Sanguine qui Romæ mœnia prima lo-
cant

Hæc lupa quām melius reddit sua viscera
Matri;

Siccaque materno rore labella rigat.

Sed tū magne puer, crudeles sperne pa-
pillas;

Mox tibi laete nemus, sydara, &
antra fluent.

INDEX

INDEX

CAPITUM.

C A P. I.

Causa conversionis S. Romualdi. pag. 5

C A P. II.

Ipsa conversio, & quia corpus B. Apollinaris sine dubio in Classensi monasterio iaceat. 7

C A P. III.

Quomodo Monachi correpti S. Romualdum de Solario precipitare voluerunt. 10

C A P. IV.

Quomodo S. Ramualdus se ad Eremum contulit. 12

C A P. V.

Qualiter Petrus Urseolus est primo Duns factus, & postmodum sit conversus. 14

C A P. VI.

Qualiter s. Romualdus uno anno de puglio ciceris per diem, & tribus annis de sua agricultura vixit. 17

C A P. VII.

De diversa pugna diaboli, quam sustinuit. 18

C A P.

I N D E X
C A P. VIII.

*Unum genus vitæ S. Romualdi : & de
pænitentia Petri Ducis, & prophe-
tia eius.* 20

C A P. IX.

Aliud vivendi genus S. Romualdi. 21

C A P. X.

*De Comite, qui vaccam rapuit ; & eam
comedendo, necatus est.* 24

C A P. XI.

De Olibano conversione promittente. 25

C A P. XII.

De Sergio ad sacerdotium reverti volente. 27

C A P. XIII.

*De prudentia S. Romualdi, & labore
itineris, & disciplina iu Patrem.* 28

C A P. XIV.

*Quomodo Sergius vidit Spiritum San-
ctum.* 29

C A P. XV.

*De crure Ioannis propter inobedientiam
fracto.* 31

C A P. XVI.

De S. Romualdo à demonibus percusso. 33

C A P. XVII.

*De iniquis spiritibus, qui sibi velut diræ
volucres apparebant.* 35

C A P. XVIII.

*De monachis S. Romualdum verberanti-
bus.*

INDEX

bis, & divina ira percussis. 36

C A P. XIX.

De Iussione sancti Apollinaris ad S. Romualdum. 39

C A P. XX.

De habitatione eius in Origario. 40

C A P. XXI.

De cella incensa, & per orationem extinta. 40

C A P. XXII.

*De Rege hospite S. Romualdi, & quia
Abbatiam suscepit.* 41

C A P. XXIII.

*De Abbatia dimissa: & pace inter Regem,
& Tiburtes facta.* 43

C A P. XXIV.

De Sancto Venerio. 44

C A P. XXV.

De Tamo, & Religione Regis Ottonis. 47

C A P. XXVI.

Quod S. Romualdus apud Casinum ægrotavit deinde ad Pereum venit. 49

C A P. XXVII.

De S. Bonifacio Martyre. 50

C A P. XXVIII.

De SS. Ioanne, & Benedicto Martyribus. 57

CAP.

I N D E X

C A P: XXIX.

*De Monacho per Angelum de carcere
liberato.* 61

C A P. XXX.

*De Monasterio sancti Aldeberti constru-
cto , & prophetia S. Romualdi ad-
versus Regem prolata .* 62

C A P. XXXI.

*Ubi gratia perfectionis S. Romualdi
divinitus est concessa .* 64

C A P. XXXII.

*De prophetia S. Romualdi , qua disci-
pulorum prænunciavit adven um.* 66

C A P. XXXIII.

*De reditu ejus à Parentio , & nautis
ejus meritis de periculo liberatis .* 67

C A P. XXXIV.

*De adventu S. Romualdi in Bisurc-
um .* 71

C A P. XXXV.

*De adventu ejusdem ad Vollem de Castro ,
& multo animarum fructu per cum
facto .* 72

C A P. XXXVI.

*De fure , quem frangentem cellam Gre-
gorii per spiritum vidi , & illesum
dimisi .* 75

C A P. XXXVII.

*De Monasterio Urbis veteris , quod con-
struxit .* 77

C A P.

INDEX

C A P. XXXVIII.

- De filio Comitis, qui caccum post mortem illuminavit.* 77.

C A P. XXXIX.

- De tribus Monasteriis, quæ S. Romualdus construxit, & de profectione ejus in Ungariam.* 79

C A P. X L.

- De Rainerio Marchione.* 82

C A P. X LI.

- De Abbe Classis qui S. Romualdum voluit strangulare.* 83

C A P. X LI I.

- De itu, & reditu rursus à Parentio.* 84

C A P. X LI I I.

- De miraculo latronis in monte Petranio facto.* 85

C A P. X LI V.

- Item miraculum de aliis latronibus.* 86

C A P. X LV.

- Quare, & quomodo S. Romualdus ejus est de Valle de Castro.* 87

C A P. X LV I.

- De miraculo, quod fecit in Aqua bella, curans Præshyterum.* 88

C A P. X LV II.

- Item miraculum de Fago prope cellam, ejus incisa.* 89

CAP.

I N D E X

C A P . X L V I I I .

*De ilicè lapsa super rusticum , & cum
non lædente .* 91

C A P . X L I X .

*De contumelia , quam passus est à suis
discipulis in Sytria .* 92

C A P . L .

*De divina Jussione ad S. Remualdum , ut
Missam celebraret , & Psalmos expo-
neret .* 95

C A P . L I .

*De anima S. Romualdi , quæ delata est
ante Deum , candida velut nix .* 96

C A P . L I I .

*De nimia distractione vitæ , quam in Sy-
tria tenuit .* 97

C A P . L I I I .

*De miraculo , quo Gregorium insufflan-
do sanavit .* 99

C A P . L I V .

De insano , quem osculo curavit . 100

C A P . L V .

*Item de Gregorio , quem de gravi mor-
bo aqua frigida liberavit .* 101

C A P . L V I .

*De discipulo , quem Romanum euntem per
spiritum cognovit , & de illo , qui
sibi derogans reclusorum fregit .* 102

C A P .

I N D E X.

C A P. LVII.

- De Gaudentio, & Berardo, & monacho sanato.* 103

C A P. LVIII.

- De discipulo in lecto S. Romualdi à dæmonibus verberato.* 106

C A P. LIX.

- De muliere in amentiam versa, & S. Romualdi benedictione sanata.* 108

C A P. LX.

- De Dæmoniaco ab eo curato.* 109

C A P. LXI.

- De diabolo, qui S. Romualdo mortem minatus, cælæ parietem fregit.* 110

C A P. LXII.

- Item de diabolo, qui exterrens equum, S. Romualdum mergere voluit.* 111

C A P. LXIII.

- Item de diabolo, qui orta inter discipulos S. Romualdi discordia, vegetem percutiebat.* 112

C A P. LXIV.

- De disficta vita, qnæ tunc in Syria ducebatur.* 113

C A P. LXV.

- De prophetia S. Romualdi, & colloquio ejus cum Henrico Rege.* 115

C A P.

I N D E X

C A P. L X V I.

*De monacho, quem diabolus strangulare
cœpit, sed S. Romualdus eripuit.* 117

C A P. L X V I I.

*De S. Romualdo, qui circumclusus aquis,
cibum sibi deferendum cœlitus agno-
vit.* 118

C A P. L X V I I I.

*De Pisce, qui inventus est in arenarii rivo
meritis S. Romualdi.* 120

C A P. L X I X.

De transitu S. Romualdi. 121

C A P. L X X.

*De dæmoniaco per particulam cincii eius
sanato.* 124

C A P. L X X I.

*De villico, qui vaccam rapuit, &
statim extintus est.* 125

C A P. L X X I I.

*De Corpore S. Romualdi sano post quin-
quennium invento.* 126

*Quedam, quæ ad vitam S. Patris Ro-
mualdi spectant ab eodem Divo Petro
Damiani sparsim descripta.* 128

S. Romualdus modestia, atque prudētia. 128

*S. Romualdi consilium, ut sobrietatem
serviemus, & hypocrisim fugiamus.* 129

*Ordo persolvendi Psalterium pro vivis à
S. Romualdo institutus.* 129

S. Romualdi disciplinae discretio. 131



V I T Æ

S. ROMUALDI
ABB. ET CONF.

PROLOGVS.



DVERSUM te prorsus,
immunde Munde , con-
querimur , quia habes
intollerabilem stultorum
sapientium turbam tibi
facundam , Deo mutam.

Habes , qui per vanam eloquentiam ,
& inanem Philosofiam se sciunt in su-
perbiæ cornibus arroganter extollere :
non habes qui pro futurorū aliquid edi-
ficationi proximorum , ad posterorum
velit memoriam schedulis annotare .
Habes , inquam , qui in prætorijs Ju-
dicum negotiorum sacerdotalium lites , &
causaruin jurgia continuis valeant de-
clamationibus perorare : non autem ha-
bes , qui possit in Sancta Ecclesia , vel

A

vnius

2 V I T A

vnius Sanctorum virtutes , & clar i gesta describere . Sapientes siquidem sunt , ut faciant mala , bona autem facere nesciunt . Ecce enim tria jam ferè lustra transacta sunt , ex quo Beatus Rомуaldus deposito carnis onere ad ætherea Regna migravit , & nemo adhuc ex huiusmodi sapientibus extitit , qui de tot mirabilis vitæ ejus præconijs pauca saltem historico stylo digereret , & avidissimæ devotioni fidelium satisfaciens , ad comunem utilitatem recitanda , Legivo sancte Ecclesiæ tradidisset . Nobis autem in angusto cellulæ angulo rasi dentibus , utilius erat , sicut proposuimus , propria peccata ad mentis oculos assiduè revocare , quam alienæ virtutis historiam texere ; magis expedire commissi reatus tenebras plâgere , quam splendida sanctitatis insignia imperitis sermonibus offuscare . Verumta men cum ad sepulcrum ejus ex longinq uis terrarum partibus toto anno maximè quæ in ejus festivitate fidelium multitudo conveniat , miracula per eum divinitù s facta conspiciat ; audire vitæ ejus historiam desiderabilitè quærat , sed ut potè quæ non sit , audire non val eat ; non irrationabiliter perti-

S. ROMUALDI. 3

timescimus , ne celeberrima eius fama ,
quæ adhuc popul i totius ore depromi-
tur , labente curriculo temporum , de
memoria hominum penitus deleatur ,
Quapropter hoc timore compulsus ,
multorumque fratrum precipibus , &
germana charitate devinctus , quod de
prædicto mirabili Viro ab egregijs eius
discipulis didici , aggrediar , Deo au-
ctore , describere : vitæque eius ini-
tium , & finem , nimirum imperitus ho-
mo , non historiam texens , sed quod-
dam quasi breve commonitorium faci-
ens , quibuscumque tentabo litterarum
apicibus exarare . Hoc autem unum in
primis lectorum meum nosse desidero ,
quia non multa per eum facta miracula
in hac ego descripti uncula colligam ,
sed potius quod ad ædificationem omni-
modis attinet , conversationis eius or-
dinem referre contendam . Beatus si-
quidem Vir in tantum se humilitatis
tegmine à vento vanę glorie custodivit ,
quod vndēcumque humanis oculis vi-
deri mirabilis potuit , studiosissima oc-
cultatione suppressit . Quæ tamen mira-
cula etiamsi minimè fecisset , mirabilem
vitam dicens , minori veneratione di-
gnus non esset , Neque enim Precursor

Domi*n*i fecisse miracula legitur, quo maiorem nullum inter natos mulierum surrexisse, Veritas ipsa testatur. Non nulli enim Deo se deferre exstiment, si in extollendis Sanctorum virtutibus mendacium fingant. Hi nimirum ignorantes Deum nostro non egere mendacio, relieta veritate, quæ ipse est, falsitatis ei putant se placere posse commento. Quos bene Hieremias redarguit, dicens: Docuerunt linguas suas loqui mendacium, ut iniquè agerent, laboraverunt. Qui enim ultrò oblatam simplicem veritatem referre facile poterant in componendis, quæ nesciunt, casso labore desudant: &quò se pro Deo stare, quasi adjutores, autumant, eò, ut re vera falsi testes contra Deum pertinaciter pugnant; Apostolo Corinthijs attestante, qui ait: Si Christus non resurexit, inanis est prædictio nostra, inanis est Fides vestra: deinde subiungit: Iovenimur falsi testes Dei, quoniam diximus testimonium adversus Deum, qui suscitavit Christum, quem non suscitaverit. Sed quia necessitate ad scribendum coæsti, velut commoti ista præmisimus, iam precibus eius, de quo loquimur, Deo opitulante, ad narrationis ordinem veniamus.

A D V . 3
VI T A
S. ROMUALDI

ABB. ET CONF.

Causa conversionis S. Romualdi.

C A P. I.



ROMUALDUS igitur Ra-
venne civitatis oriundus,
ex illustrissima Ducum
fuit stirpe progenitus.
Qui cum jam in adole-
scientiam pervenisset
cœpit in peccato carnis proclivis exi-
stere : quo videlicet vitio illa ætas im-
pugnare homines præsertim divities,
vehementius solet. Mente tamen Deo
devotus , frequenter se tentabat erige-
re , facturumque se magnum aliquid
proponebat . Nam & si quando se ad
Rudium venerationis accingereret , ubi-
cumque per silvas amenum locum repe-

rire poterat , mōx se ad eremi desiderium eius animus accendebat , dicens intra se : O quām bene poterant Eremitæ in his nemorum recessibus habitate ! quam congrue possent hic ab omni sacerularis strepitus perturbatione quiescere ? Et ita mens ejus cælitùs inspirata , jam divinabatur in amore , quod impleturus erat postmodùm operare .

Huic erat pater , nomine Sergius , mundo vehementer intentus , & omnino sacerularibus negotiis implicatus . Qui dum adversus quemdam propinquum suum exortis similitatibus pro possessione prati inimicitias exerceret , videns filium suum Romualdum in contentione mollescere , crimenque fraticidii medullitùs formidare , minari cœpit exhæredem facere , si in eadem diutiū sententia permaneret . Quid plura ? Tandem utrèque inimicantium partes ex Urbe ad litis materiam proruunt , arma corripiunt , bellum sociale committunt : & dum cominus hinc indè pugnatur , repente manu Sergii inimicus , & affinis occiditur . Romualdus autem licet nullum perempto vulnus inficerit , quia tamen interfuit ,

S. ROMUALDI. 7

pénitentiam tanti reatus accepit, moxque ad Classense monasterium B. Apollinaris, more homicidarum diebus quadraginta permanens in luctibus properavit.

*Ipsa conversu, & quia corpus B. Apol-
linaris sine dubio in Classensi
monasterio iaceat.*

C A P. II.

Illuc autem districta se pénitentia jupiter macerans, cæpit cum quodam Converso quotidianum habere colloquium, à quo etiam juxta mediocritem sensus, bonæ exhortationis audiebat sæpè consilium. Quem cum Versus frequentè admoneret, sœcularrem vitam omnino postponere, & ad sanctæ conversationis ordinem festinare, sed ad hoc mentem eius humiliare nullatenus posset, aliquando inter cetera velut gratulabundus intulit, dicens: Si tibi, inquit, ego B. Apollinarem corporali specie, ita ut eum manifestè videre possis, ostendero, quid à te præmij reportabo? Ad hæc Romualdus, firma, inquit, & invio-

labili me obligatione constringo, quia
mox, ut beatum Martyrem videro,
apud sacerdolum ulterius non manebo.
Hortatur ergo, Conversus, ut ipsa
nocte Romualdus dormire postpone-
ret, & una secum intra Ecclesiam in
orationibus vigilaret. Cumque no-
cturno silentio longaminitèr ambo in
oratione persisterent, eccè circa gal-
licinium noctis B. Apollinaris, his
duobus manifestè videntibus, exiit
de sub altari, quod in medio Ecclesiæ
ad honorem Beatæ Virginis Mariæ cer-
nitur esse constructum. Visus est au-
tem exire ab orientali parte, illinc vi-
delicèt, ubi marmor porphyreticum
jacet. Confestim verò tantus splendor
totam replevit Ecclesiam, ac si Sol ful-
goris sui radios intra ipsos parietes co-
hiberet. Tunc Beatissimus Martyr sa-
cerdotalibus insulis mirabiliter exor-
natus, aureum in manu portans thuri-
bulum, cuncta Ecclesiæ incensavit al-
taria, & hoc facto, statim undè exie-
rat, rediit, & mox omnis ille splendor
eum prosequens, apparere cessavit.

Cœpit itaque Conversus Romualdo
durus nimirūm exactor vehementèr
insistere, & ut impleret, quod ultro

pro-

S. ROMUALDI 9

promiserat, anxiè postulare. Cumque Romualdus adhuc resisteret, & eamdem visionem cernere denuò flagitaret, alia nocte similiter in oratione persistunt, & Beatum Martyrem per omnia, sicut prius, aspiciunt. Unde etiam postmodum si de corpore prædicti Martyris aliquando quæstio oriretur, Romualdus penitus affirmabat in ipsa Ecclesia esse reconditum: & quamdiu Vir sanctus vixit, hoc proferre testimonium non cessavit.

Habeat quoque Romualdus consuetudinem antè præcipuum altare Ecclesie orationi frequentè incumbere, ibique postquam fratres abscederent, multis Deum fatigebat gemitibus exorare. Dùmque hoc quadam die post visionem attentiùs faceret, tanto mox divini amoris igne mentem illius Spiritus sanctus accendit, ut in fletum repente proromperet, uberes laerymarum rivos restringere non valeret, Monachorum se pedibus prostratus advolveret, tradi sibi monachicum habitum inenarrabili desiderio flagitaret. Monachi vero dum Patris ejus duritiam metuunt, conversioni illius adiutum pandere non presumunt. Hone-

stus autem , qui tunc Ravennæ Archiepiscopalem cathedralm obtinebat , olim Classensis cœnobii Abbas extiterat . Hunc ergo Romualdus impiger adiit , eique omne sui cordis desiderium patefecit . Qui alacer factus castæ concupiscentiæ exhortationis stimulus addidit , fratribusque ut eum suo collegio incunctanter ascererent , imperavit . Hujus itaque patrocinio Cœnobitæ suffulti , Romualdum intrepida securitate suscipiunt , eique sanctæ conversationis habitum tradunt . In eo igitur Monasterio triennium ferè transegit .

Quomodo Monachi correpti S. Romualdum de Solario precipitare voluerunt.

C A P. III.

Sed cum ibi cerneret nonnullos per lata gradientes remissius vivere , sibi autem arduam perfectionis semitam , quam mens dictabat , arripere non licere ; quid sibi agendum esset , sollicitè in semetipso cœpit inquirere , multisque cogebatur cogitationum fluctibus æstuare . Præsumebat autem leviter

con-

S. ROMUALDI.

conversantium vitam durè corripere .
& sæpè ad eorum confusionem præcep-
ta Regulæ in testimonium convocare.
Cùmque in redarguendis eorum vitijs
vehementè , insisteret : illi antem ju-
nioris , & novitij verba pro nihilo de-
putarent , tandem hoc opprobrium non
ferentes , dum propriam emandare vi-
tam despiciunt , de corripienis morte
tractare cœperunt . Solebat denique
Romualdus per noctem ceteris fratri-
bus maturius surgere , & si oratorijs ad-
huc janua clausa esset intra ipsum dor-
mitorium in orationibus excubare . Erat
autem prædictum ædificium more sola-
rii alte ædificatum . Hoc itaque inve-
nerunt filii Cain , djabolo dictante , con-
silium , ut dūm Romualdus antè alios
solito more consurgeret , ipsi eum per
solarii speculum , verso deorsum capi-
te , in terram præcipitarent . Quæ res
postquam Romualdo per concium con-
spirationis innotuit , ille jam de ceterò
intra cordis cubiculum clauso oris ostio
orans Patrem suum , immines pericu-
lum devitavit . Hoc itaque modo dum
sibi cavit præcipitum corporis , fra-
tribus , ne in animarum mortem cor-
guerent , barathrum clausit iniquitatis .

Quomodo S. Ramualdus se ad Eremum contulit.

C A P. IV.

Cumque in ejus animo perfectionis amor magis, ac magis in dies cresceret, nullamque mens eius requiem inveniret, audivit, quia in Venetiarum partibus quidam spiritualis vir esset, Marinus nomine, qui eremiticam duceret vitā. Consensu itaque ab Abate, & fratribus nimirūm facilimē impetrato, ad prædictum venerabilem virum navigio discurrente pervenit, & sub illius regimine degere humillima mentis devotione istituit. Erat autem Marinus inter ceteras virtutes, vir simplicis animi, & sincerissimæ admodum puritatis, nullo quidem magisterio eremiticæ conversationis edoctus sed ad hanc solummodo bonæ voluntatis impulsu fuerat incitatus. Porrò autem hunc vivendi morem habebat, ut per continuum anni circulum tribus in hebdomada ferijs medium panis bucellam, & pugillum fabæ gustaret: tribus vero vinum & pulmentum discreta

sobrietate perciperet. Psalterium quidem per dies singulos totum canebat. Sed nimis rudis, & nullatenus ordine vitae singularis instructus. sicut ipse postmodum B. Romualdus hilariter referebat, plerumque de cella exiens, una cum discipulo passim per latitudinem eremi psallendo spatiabatur, nunc sub ista arbore vicenos, nunc sub illa tricenos, vel quadragenos concinens psalmos. Romualdus autem quia saeculum idiota reliquerat, aperto Psalterio, vix suorum versuum notas syllabatim explicare valebat: & haec oculorum in ima defixio intolerabilem sibi importunitatem accidit generabat. Marinus vero virgam in dextera gerens, Romualdo e diverso sedenti sinistram capitis partem saepissime verberabat. Post multa autem Romualdus gravi admodum necessitate compulsus, humiliter ait: Magister, si placet, a dextro me deinceps tempore percute, quia jam laevae auris auditum funditus perdo. Tunc ille tantam eius patientiam admiratus, in discretæ severitatis temperat disciplinam.

Qua-

Qualiter Petrus Urseolus est primo factus, & postmodum sit conversus.

C A P. V.

Eodem vero tempore Petrus, cognomine Urseolus. Dalmatici Ducatus gubernabat habenas. Qui videlicet ad huius fastigium dignitatis ascendere iecircò meruerat, quiadecessoris sui, Vitalis scilicet Candiani, peremptoribus fautor extiterat. Cur autem ille à suis extinctus sit, non ab re esse arbitror, si servatæ compendio brevitätis exponam. In coniugium namque Germanam Ugonis magni illius Marchionis acceperat, & æmulatione Leuiri suadente, multos ex Longobardiae, & Tusciarum partibus milites, profligatis pecuniarum stipendijs, acquirebat. Hoc autem Venetiarum incolæ non ferentes, clam iniere consilium, ut repentino impetu Ducis palatum armati violenter irrumperent, eumque cum omni domo sua in ore gladij absque vlla retractatione necarent. Huius denique Conventiculæ conjuratione comperta, Vitalis dux, nocturnis, diurnisque vallatus excubiis, hostiles

in-

insidias ad nihilum redigebat. Illis autem hæc, & illa tentantibus, sed ad inceptæ factionis effectum attingere non valentibus, tandem visum est, ut domum Petri, quæ Ducis palatio adjacebat contingua, priùs incenderent; istoque modo, & Duce caperent, & universa eius domestica concremarent. Istius vero rei experiendæ consensum à Petro, qui eorum consilij particeps fuerat, flagitantes, huius tandem mercedis fœdere pacti sunt, ut pro una eius domo, quam igne consumerent, totam ditioni illius Venetiam subderet, & delecto illo, quem exosum habebant, Duce hunc loco eius protinùs subrogarent. Hoc igitur modo Petrus Dalmatici Regni adeptus est Principatum, qui postmodum ambitionis suæ jam voluptate potitus, respectu divinæ gratiæ demùm corde compunctus est.

Quidam autem venerabilis Abbas, Guarinus nomine, ex ulterioris Galliæ finibus orationis gratia per diversas mundi ragiones peregrinari solitus erat. Hic quoque ad Duce veniens, ab eo protinùs, ut sibi ad evadendum tanti reatus periculum, consultum præberet, exactus est; Accersitis igitur

tur Marino , & Romualdo , hoc sibi
communi jubetur sententia ; ut sæcu-
lum simul cum ipso , quem per nefas
invaserat , Ducatum , relinquere : &
quia ad alienæ dominationis arcem in-
justè proruperat , ipse se alienæ pote-
testatis dominio subjugaret . Ille au-
tem homo nimis in potestate posi-
tus , quia conversionem suam manife-
stè facere ausus non est , tutum puta-
vit hoc utendum esse consilio . Immi-
nente igitur festivitate sancti cuiusdam
Martyris , ex cuius vocabulo Basilicam
in propria possessione adhuc privatus
habuerat , illuc pridiè Uxorem suam
præmisit , ipse quasi mox secuturus ;
hoc ei præcipiens , ut & ornatum Ec-
clesiæ accuratissimum provideret , &
secum venientibus sumptuosas epula-
rum delicias in crastinum præpararet .
Ipse autem post conjugem remanens , his
de suis thesauris , quæ sibi videbantur ,
ablatis , cum quodam suo familiari , Jo-
anne scilicet Grandenico , qui præfatæ
conjunctionis conscius fuerat , & cum
tribus illis beatis Viris quos præposui-
mus , navem ascendit , deinde in Gal-
liam ad Monasterium Abbatis Guarini
magnus conversus aufugit . Petro igi-
tur

S. ROMUALDI. 17

tur , & Joanne monachis in S. Michaelis cœnobio factis ; Marinus , & Romualdus non longè à Monasterio degentes , ad singularem vitam , cui assueti fuerant , revertuntur . Quibus etiam ipsi jam dicti fratres , peracto vix anno spatio , ad perferendam ejusdem solitudinis distinctionem aggregati sunt.

Qualiter s. Romualdus uno anno de pugillo ciceris per diem, & tribus annis de sua agricultura vixit .

C A P. V I.

In tereâ Romualdus , accenso mentis desiderio , cœpit de virtutibus in virtutes mirabiliter crescere , & reliquos fratres sanctæ conversationis gressibus longius anteire : ut , jam quidquid inter fratres sive de spiritualibus , sive etiam de corporalibus ipse decerneret , cunctis volentibus , ejus omnino sententia prævaleret . Ipse quoque Marinus gaudebat Romualdo esse devotus , cui nupèr fuerat ipse prælatus . Per continuum quippè annum Romualdus nihil aliud in cibum habuit , nisi tantum per singulos dies ex uno pugili ,

lo elixi ciceris vixit. Tribus vero annis ipse , & Joannes Grandenicus sarculis terram frangentes , & triticum seminantes , ex manuum suarum labore vixerunt . Qui nimirūm dum agricul turam exercebant , pondus jejunii du plicabant .

De diversa pugna diaboli , quam substatuit .

C A P . V I I .

IMpugnabat tamen diabolus Romul aldum multis , & variis tentatio num immissionibus , maximē initio con versionis , mentemque ejus per multa vi torum incentiva raptabat , modō illi in memoriam revocans quæ , & quanta , ut puta vir strenuus , in sæculo acquire re potuit ; modō quæ ingratis propinquis nèc dum post se concupiscibiliter hæreditanda reliquit ; modō parva nimis , & nullius meriti esse , quæ faceret , accusabat ; modō tanti laboris horrorem incutiens , longæ vitæ spatium promittebat . O quam sæpè cellulam eius percutiens , eum , cum adhuc vix ob dormisceret , excitavit , & quasi iam jam

S. ROMUALDI. 19

jam imminente crepusculo , per totam noctem vigilando deduxit ! Per continuum fermè quinquennium , super pedes eius , & crura diabolus nocturno tempore jacuit : & ne huc , illucque se facile verteret , typo phantastici ponderis aggravavit . Quis explicare valeat , quot frenientes vitiorum bestias pertulit ? Quam sàpè presentes iniquos spiritus durissimis increpatiōnibus effugavit ? Unde etiam si fratum aliquis silentii tempore cellam ejus quavis necessitate compulsus adiret , statim miles Christi paratus ad prælium , solito more , ipsum esse existimans diabolum , claris vocibus increpabat , dicens : Quò tendis modò turpissime ? quid tibi in eremo de cælo deiecte ? Recede canis immunde , evanesce coluber veternose . His igitùr , & hujusmodi verbis declarabat se cum malignis spiritibus in acie semper assisteret , & Fidei se armis accinctum , provocantibus hostibus in campum protinus obviare .

*Unum genus vitæ S. Romualdi : & de
pænitentia Petri Duci, & prophe-
tia eius.*

C A P. VIII.

Contigit autem, ut aliquandò librum de vita Patrum legens, in illum locum incideret, ubi continetur, quod quidam fratres per continuam hebdomadam singulariter jejunantes, sabbatorum die pariter convenirent; ipsoque & Dominico die jejunii rigorem interponerent, & remissius vicitarent. Quem vivendi ordinem statim Romualdus arripuit, & in eo quindecim ferè annis, vel eo amplius continua austerritate permanxit. Petrus autem Dux, quia multis educari delicijs solitus fuerat, jam jam sub tam districti jejunii pondere succumbebat. Unde se ad pedes B. Romualdi humilitè stravit. Iussus verò ut surgeret, necessitatem suam cum verecundia coactus aperuit. Pater, inquit, quia magnum corpus habeo pro peccatis meis, ex hac paximatij medietate sustentare me non possum. Romualdus igitur fragilitati pie com-

S: R O M U A L D I . 21

compatiens , consuetæ mensuræ quæ
dram paximatii superaddidit , & sic la-
benti jam , ne omnino desiceret , miser-
ricordiæ manum terendit , & ad pera-
gendum benè vivendi iter , quod cœ-
perat , confirmavit . Hunc filius eius
sibi æquivocus , vir valde secundum se-
culum prudens , aliquando visitavit .
Cui Pater nescio utrùm prophetiæ spi-
ritu , seu revelatione aliqua , quæcum-
que sibi essent eventura predixit . Novi ,
inquit , fili mi , proculdubio , quia Du-
cem te constituent , & prosperaberis .
Tu tantummodo satage , ut & Eccle-
siis Christi sua jura conserves , & erga
subditos alicujus amore , vel odio à ju-
stitia non declines .

Aliud vivendi genus S. Romualdi .

C A P . I X .

P OST hæc autem Römualdus iterum
legens , quia sanctus Silvester Ur-
bis Romæ Episcopus sabbatorum diem
jejunandum esse , ut revera sancti Pas-
chatis vigilias instituerit , mox remis-
sionem sabbati in quintam feriam com-
mutavit , & sic infirmorum imbecilli-
tati

tati consulens, longum jejunium discretione habita facilius reddit, hanc nimitem vivendi regulam cunctis sectatoribus singularis vitæ præfigens, ut tunc se unusquisque eremiticæ vitæ jejunium tenere cognoscat, si per hebdomadam triduans, & biduanas jejunando, quinta feria, & Dominicis diebus altera, vel quodcumque liquamen cum gratiarum actione percipiat, exceptis videlicet duabus anni Quadragesimis, in quibus non solùm ipse, sed & plerique sui discipuli totius hebdomadæ soliti erant continuare jejunium. Et certè satis congruum erat, ut qui Deum in choro laudare sempèr studebat, & tympano, præcipuas modulationis harmonicæ consonantias, diapason videlicet, & diapente, atque diatasseron jugiter in aures incircumscripsi luminis personaret. Jejunare autem omnino, hoc est, diem absque ullo cibo transigere, licet ipse sèpissimè fecerit, alijs omnimodo prohibebat. Dicebat enim ad perfectionem tendenti hoc ad summè congruere, ut quotidiè comedat, & sempèr esuriat, quatenus hoc caro per consuetudinem leviget, quod grave novitijs initio conversionis appareret.

Par₂

Parvipendebat autem si quis ad tempus magnum quid inciperet , si non etiam in eo longanimitè perseveraret .

Vigilias temperatè , & cum magna discretione faciendas maximè suadebat nè cui fortassè contingere , ut sopori , peractis nocturnis officijs , consentiret . Sanè hujusmodi somnum Vir sanctus in tantum habebat exosum , ut si quis ei confiteretur post duodecim psalmorum vigilias , vel maximè circa diluculum obdormisse , nequaquam posset eo die cum eius licentia sacra Missarum solemnia celebrare . Dicebat etiam melius esse , si possibile sit unum psalmum ex corde , & cum compunctione cantare : quam centum cum mentis fabulatione percurrere . Cui autem hęc gratia perfectè data non esset , hortabatur tamen , nequaquam desperare , nequaquam vel ab ipsa corporali exercitatione tepescere , donèc ipse , qui voluntatem dedit , tribuat etiam aliquando facultatem . Tantummodo orationis incensum mentis intentio in Deum semel fixa custodiat , quod exterius veniens cogitationum aura perturbat . Ubi enim est intentio recta , contra voluntatem cogitatio veniens non est nimium formidanda .

De

De Comite , qui vaccam rapuit ; &
eam comedendo , necatus est .

C A P . X.

QUODAM vero tempore , dum ad-
huc in Galliæ finibus moraretur ,
familiarem sibi quemdam habebat agri-
colam , qui sibi , & utensilia , quibus in-
cella opus est , aliquandò faciebat , &
quid ei opportunum esset , ditior chari-
tate , quam rebus , de suæ paupertatis
inopia hilaritè ministrabat . Huius
vaccam Comes quidam superbus , &
tumidus missis parasitis , impetu barba-
rico rapuit ; ejusque carnes præparari si-
bi ad prandium cum magna gulæ aví-
ditate præcepit . Eccè autem rusticus ,
cellam Romualdi festinus aggreditur ,
jacturæ suæ easum clamoris ululatibus
vociferatur , spem suam , & suæ domus
ablatam esse conqueritur . Sanctus ita-
què Romualdus ad eundem Comitem
concito gradu nuncium dirigit , & ut
pauperi animal suum reddat , humili-
ma supplicatione depositit . Cujus pre-
ces lubricus Comes protervo spiritu
respuit , & quem saporem crassę vaccæ
lumbi potuissent habere , quia ipso die
esser

esset gustatus, affluit. Adveniente autem hora prandij, apposita mensa vaccæ carnes allatæ sunt: & diuinæ vocationis jam imminentे sententia, in ipso edendi initio Comes frustum bovini renis abscidens, sibi in os misit. Quod repente in illius gutture tam immobilitèr hæsit, ut nèc ad interiora descendere, nèc foras ejici, ullis conatibus potuisset. sicque inter suorum manus, intercluso spiraminis aditu, terribili morte necatus est: & undè contra Dei seruum concupiscentiam carnis explere ad saturitatem voluit; indè justo Dei iudicio carnalem vitam adhuc jejonus amisit.

De Olibano conversionem promittente.

C A P. XI.

Alius quidam Comes, Olibanus nomine, in eisdem Galliarum partibus erat, sub cuius jure Monasterium quoquè prædicti Guarini Abbatis fuerat positum. Qui sublimi quidem culmine terrenæ potestatis eretus, sed multis erat peccatorum libus aggravatus. Hic aliquando Ro-

mualdum gratia visitationis adiit, & ceteris extra cellulam manentibus, solus cum solo gestorum suorum seriem narrare quasi per confessionem coepit. Cui Vir venerabilis, his, que ab eo referebantur, auditis, respondit, alter eum salvari minimè posse, nisi mundum relinquens, ad Monasterium convolaret. Comes autem mox mente turbata, ait: quia videlicet sui spirituales viri, qui ejus acta cognoscerent, nequam ita sentirent, neque tam intolerabilem rem sibi aliquando suadarent. Ascitis itaque Episcopis, & Abbatibus, qui secum venerant, coepit in commune perquirere, si ita res sicut Dei servus testabatur, se haberet. Illi autem B. Romueldi sententiam omnes una voce confirmant, se autem id Comiti eatenus non dixisse, terrore constrictos excusant. Tunc Comes, semotis omnibus, hoc cum B. Romualdo secreto valde consilio pepigit, ut ad Casinum montem sub praetextu orationis pergeret, & in Monastario S. Benedicti divino se servitio irrevocabili-
ter manciparet.

De Sergio ad sacerdolum reverti volente.

C A P. XII.

In tereâ Sergius Pater Romualdi monachus efficitur, sed aliquantò post suadente Diabolo factæ conversionis penitens, in Ægyptum redire conatur. Quod protinus Monachi, Cœnobij videlicet sancti Severi, quod non longius ab Urbe Ravennæ est positum, ubi corpore, non corde Sergius habitabat, B. Romualdo indicare per nuncium studuerunt. Hac ille sinistra relatione percussus, necessarium esse decrevit, ut Guarinus Abbas, & Ioannes Grandenicus unâ cum Comite ad eius conversationem pergerent, ipse vero pereundi Patri quantocumque subveniret. Petrus autem Dux extremum jam diem feliciter clauserat. His itaque duobus Comitem in eorum fide commisit, utrique quidem, sed Joanni præcipue, qui ei subditus erat, per obedientiam specialiter mandans, ut etiam si Guarinus abscederet, ipse se numquam à Comite separaret.

*De prudintia S. Romualdi, & labore
itineris, & disciplina iu Patrem.*

C A P. XIII.

Audientes autem illius Regionis Incolæ, quia Romualdus abire disposeret, nimio mærore turbati sunt. Et tractantes intrà se qualiter ab hac illum intentione reprimerent, hoc illis tandem potissimum visum est, ut eum missis interfectoribus, impia pietate perimerent, quatenus quia eum non poterant retinere viventem, haberent pro patrocinio terræ, vel cadaver exanime. His verò cognitis Romualdus caput suum vndique decalvavit, & hujus rei executoribus cellulæ ejus jam appropinquantibus, primò ferè diluculo comedere quasi per aviditatem cœpit. Illi autem hoc videntes, demen-
tiam credidere, & arbitrantes mentem Iesam esse, corpus Iedere dignati sunt. Sic videlicet, sic prudens spiritualis David insaniam stultam carnaliter sapientium superavit astutiam. Nam & volentes peccare cohibuit, & ad meritorum suorum cumulum sinè mortis formidine, mor-

S. ROMUALDI. 29

mortis periculum declinavit . Deinde
jam libera uti facultate permisus , non
exquo fultus , non vheiculo deportatus,
sed solum in manu ferens baculum , nu-
dis plantis ex intimis Galliarum finibus
Ravennam usquè pervenit , ibiquè pa-
trem ad sæculum reverti volentem re-
periens , in ligno pedes ejus fortiter
strinxit , gravibus eum vinculis alliga-
vit , verberibus duris afflixit , & tan-
diù corpus ejus pia severitate perdon-
uit , donèc ejus mentem ad salutis
statum , Deo medente , reduxit .

*Quomodo Sergius vidit Spiritum San-
ctum.*

C A P. X I V.

Sergius igitur tandem sanæ mentis
recepto consil' o , quidquid prius
retrograda voluntate deliquit , multi-
pliciter postmodum rectis sanctæ con-
versationis gressibus emendavit . Habe-
bat denique inter cetera consuetudi-
nem antè quamdam Salvatoris imagi-
nem frequentè assistere , ibique pecu-
liariū orans , uberiū lacrymis , &
multa se cordis contritione mactare .

Quadam igitur die dum ibi attentiùs in oratione persisteret (nova res , & nostris temporibus inaudita) repente sibi , nescio qua specie , Spiritus sanctus apparuit . Qui protinus à Sergio quis esset interrogatus , manifestè , quia ipse esset Spiritus Sanctus , afferuit , & subito quasi pertransiens , ab oculis se aspicientis evasit . Statim ille in extasi raptus , atque ejus , quem viderat , igne succensus cœpit per claustrum Monasterii post eum velociter currere , fratresque qui illuc aderant , magno fervoris impetu , quod Spiritu Sanctus abiisset , interrogare . Illis autem in insaniam eum cecidisse putantibus , atque illum durè corripientibus , asserebat Sergius se Spiritum Sanctum absque ulla dubietate vidisse , & antè suum conspectum visibilitè pertransisse . Qui statim languore correptus , lecto decubuit , & intra paucos dies felici consummatione finivit . Hinc sanè probatur , quod divina voce , ad Moysen dicitur : Non enim videbit me homo , & vivet . Hinc Daniel cum non Deum , sed visionem Dei se conspexisse diceret , addidit : Elangui , & ægrotavi per dies plurimos . Recè igitur Ser-

giüs

gius postquam æternam vitam , quæ Deus est , cernere meruit , à temporali modo vita defecit .

De crure Ioannis propter inobedientiam fratio.

C A P. X V.

O Libanus autem Comes sua relin-
quens filio , cum multa divitiarum copia , quindecim scilicet onus thesauro sagmariis , comitantibus eu-
Guarino & Joanne , ipso quoque Mar-
no , ad B. Benedicti se Monasterium
contulit , & vale dicens his , qui se-
cùm venerant , nil tale de eo usque
tunc suspicantes , multis gemitibus , &
amaris se fletibus afflentes , ad pro-
pria remeare coegit ; Marinus autem
paulò post Apuliam versus abiit ; ibi-
que postmodum in solitudine habitans ,
ab Agarenis est latrunculis imperfectus .
Brevi post tempore Guarinus , ora-
tionis causa discurrere solitus , Ioannes
verò fratris exemplo , ad idem religio-
nis officium provocatus , Hierosoly-
mam commeare pari consilio decreve-
runt . Hoc igitur Olibanus cognito ,

eristis , & flens , obsecrare devotissime
cœpit , nè se violata fide desererent ,
sed sicut B. Romualdus præceperat , in
Dei illum servitio custodirent ; addens
etiam : Memento tu saltem , Joannes ,
quia Magister tuus in tua me propen-
fius fide commisit , & titulum tibi ino-
bedientiæ , si discedis , opposuit . Illi
autem obstinata intentione in proposi-
to persistentes , relicto tandem Oliba-
no , peregrinationis iter arripiunt .
Cumque descendentes de monte jam
in campestria declinassent , figentes se
loco , necessarium aliquid intèr se tra-
ctare cœperunt . Et intèr agendum ,
subito Guarini Æquus furioso rotatus
impetu in aliam partem invito sessore
divertit , & Joannis tibiam feratto cal-
ee percutiens , fregit . Qui illicò ad
terram nimio dolore prostratus , jam
serò memor Magistri præcepta ad men-
tem revocat , & se perfidum , se ino-
bedientiæ reum verbis publicæ confes-
sionis accusat . In fracto nàmque crure
didicit , quia fidem frangere peccatum
fuit . Et quia ipse rationis capax Ma-
gistro inobediens extitit , ad incolumi-
tatis suæ custodiam irrationale animal
sessori obedire nescivit . Deinde illuc ,
unde

undē venire cōperat , rediens , cel-
lam sibi ædificari propè Monasterium
petiit , ibique per triginta ferè annos ,
quamdiù vixit , in sancta conversatio-
ne permanxit . Multa in eo charitas ,
mira humilitas , abstinentia verò distri-
cta nimis , & cauta ; ita ut nèc infra
claustrum Monasterii quisquam sciret ,
Vir sanctus qualiter jejunaret . Intèr
reliqua autem virtutum dona ita exor-
sum habebat detractionis vitium , qua-
tenus nòx ut quis ad detrahendum es-
aperiret , velùt sagitta vigore lapidis
repercussa , in dirigentem protinus re-
dundaret , ita ab eo illius obtrectatio
reprimeretur . Pòst ejus verò obitum
nonnulla per eum miracula divinitùs
facta sunt .

De S. Romualdo à demonibus percusso.

C A P. X V I.

ROmualdus autem post Patris cor-
reptionem, in palude Classis cel-
lulam figens, in loco, qui pons Petri
dicitur, habitavit. Postmodum vero
non corporis ægritudinem metuens,
non fœtoris nauseam perhorrescens,

sed nè imbecillitatis occasione quan-
tumlibet se ab abstinentia rigore remit-
teret , ad Classis itidem prædium , ubi
est Ecclesia B. Martini , quæ dicitur in
Silva , migravit . Ibi verò quadam die
cum Completorium caneret , quia an-
tiquum illic cœmeterium fuerat , ut sæ-
pè fit , subito illi ex huiusmodi reco-
gitatio incidit , mōxque ejus animum
magnus phantasticæ illusionis horror
invasit . Cumque hoc crebrius in men-
te revolveret , ecce maligni spiritus
repentino impetu cellam ejus ingressi ,
protinus illum in terram sternunt , im-
mani eum cæde conficiunt , & exhaustis
longo jejunio membris , dirissimos ictus
illidunt . Tandem Romualdus inter ipsa
percussionum verbera , respectu divinæ
gratiæ visitatus , in hanc vocem erupit :
Chare Jesu , dilecte Jesu , quare me
derelinquisti ? Numquid omnino me
inimicorum manibus tradidisti ? Ad hęc
omnes iniqui spiritus divina virtute fu-
gati sunt . Et continuò tanta divini amo-
ris compunctio Romualdi pectus ac-
tendit , ut totum cor ejus in lacrymas
quasi cera liqueceret , & de tot alli-
tionibus sauciati corporis nil sentiret .
mōx sanus , & validus de terra surrexit ,

&

S. ROMUALDI. 135

& licet impidente adhuc sanguine, ad eumdem psalmi versum, quem reliquerat, rediit. In ingressu quippe demonum fenestra cellulæ in frontem illius impegit, in qua manifesta postmodum cicatrix occalluit, quæ evidens vulneris indicium, quamdiu. Vir sanctus vixit, ostendit.

De inquis spiritibus, qui sibi velut diræ volucres apparebant.

C A P . X V I I .

Am igitur miles Christi assueto bello robustior, studebat quotidie ad maiora proficere, de viribus in vires crescere, & semper semetipso fortior, nullas jam poterat enervati hostis insidias formidare. Sapè enim sibi in cella residenti velut teterimi corvi, vel vultures, iniqui spiritus videbantur assistere, & quasi ad custoditum animalis cadaver, quia non audebant accedere, cogebantur eminùs aspectare. Sapè se in figuris Æthiopum, sapè se per diversorum animalium species ostendebant. Quibus clarus Christi triumphator insultabat, dicens: Eccè paratus

B 6 sum

sum, venite; & si quā in vobis est vir-
tus, ostendite. Numquid jam omnia
deficietis? numquid jam victi estis, &
aliquas contra Dei servulū certandi
machinas non habetis? His denique &
hujusmodi verbis confundens iniquos
spiritus, confessim eos, velut missis
totidē jaculis, effugabat. Videns ergo
diabolus, quia per se metipsum contra
Dei famulum prævalere non posset, ad
callida argumenta conversus quocumque
Vir sanctus ibat, discipulorum ejus
animos adversus eum in malitiam exci-
tabat; ut quia retentari eum ab accen-
so sui fervoris impetu impossibile fue-
rat, saltem ab alienæ salutis cura com-
pesceret: & quia ipse ab hoste supe-
rari minimè posset, vel ex aliis victo-
riam non negaret.

*De monachis S. Romualdum verberanti-
bus, & divina ira percussis.*

C A P. X V I I I.

A Liquandō nāmque ad locum, qui
Balneum dicitur, qui videlicet in
Saxenati constitutus est territorio, tran-
sit; ubi etiam non paucō tempore
com-

S. ROMUALDI. 37

commorans, Monasterium ad B. Ar-
cangeli Michaelis honorem construxit,
à quo non longè cellam in ea habiturus
intravit. Illuc autem Hugo Marchio
septem sibi pro necessitate misit numis-
matum libras: quas ille, ut benè pro-
digus misericorditer dispensaret, acce-
pit. Auditō itaq; quod monasterium
Palatioli fuisset igne consumptum, se-
xaginta solidos de predicta pecunia
fratribus in adjutorium direxit, reli-
qua autem, ut in simile opus expen-
deret servavit. Cognito hoc Monachi
S. Michaelis, belvino contra eum fu-
rore commoti sunt, tūm quia pravis
eorum moribus contrarius jam in mul-
tis extiterat, tūm quia quæ illi defe-
rebantur, non eis omnia, sed quædam
aliis impendebat. Facta igitur conspi-
ratione, unanimiter cellam ejus cum
sudibus, & phalangis irrumpunt, ver-
beribus eum multis afficiunt, & dire-
ptis omnibus turpiter dehonestatum dè-
finibus suis expellunt. Cūm itaq;
eliminatus abiret, & nimia tristitia vis
in mentis ejus jam interiora descende-
ret, hoc apud semetipsum deliberat,
ut jam de cetero sua contentus, alienæ
salutis curam omnino postponat. Post
quam

quam videlicet cogitationem tantus
animum ejus terror invasit, ut si in eo,
quod mente conceperat, obstinatè per-
sisteret, peritum se, damnandumque
divino Judicio nullatenus dubitaret.
Manachi autem compotes diu deside-
ratæ ultionis effecti, & quasi proiecto
gravi onere levigati, hoc, quod in
Dei famulum egerant, multis inter se
laudibus esserunt, & in immoderatum
Iudum, atque cachinnm se, lætitia le-
nocinante, resolvunt: deinde, etiam
ut tanti gaudii solennitatem quodam-
modo jucundissimam faciant, sumptuo-
sas deliciarum copias sibi ad convivi-
um parant. Erat vero tunc hiems,
qua non solum vicissitudini temporum,
sed frigidis quoque eorum mentibus
aptissimè congruebat. Unus autem ex
eis, qui in beatissimum Christi famu-
lum saevior fuerat, mel aequirere, un-
de mulsum epulantibus faceret, sata-
gebat. Cumque Sapin fluvium hoc
studio transmearet, offendentibus in
plancas pedibus, subito de ponte dei-
citur, & fluiali voragine funditus ab-
sorbente raptatus, extinguitur. Justo
videlicet Dei judicio, ut turbida illum
aqua satiaret ad mortem; quia in eo,
quod

S. ROMUALDI. 39

quod flere debuerat , mellis dulcedinem ad vitæ concupierat voluptatem . Noctæ verò dūm omnes ex more quiescerent , descendente crebra nivium multitudine , repente tota communis ædificii supèr eos fabrica corruit , & alteri caput , alii brachia , alii crura , vèl quælibet alia membra contrivit . Uni etiam eorum oculus evulsus est , & meritò divisionem corporeæ lucis pertulit , qui divisus à proximo , etiam si alterum haberet , geminæ charitatis unum lumen amisit .

*De Iussione sancti Apollinaris ad S.
Romualdum.*

C A P. XIX.

ALiquandò autem Vir sanctus non longè mansit à Catria . Cùmque ibi aliquandiù moraretur , manifestè sibi B. Apollinaris apparuit , & quatenus ad suum Monasterium pergeret , ibique potius habitaret , ex magna auctoritate præcapit . Quod Vir sanctus nequaquam negligendū ducens , locum , in quo morabatur , sine cunctatione deservit , & quò missus fuerat , impeger festinavit .

De

De habitatione eius in Origario.

C A P. X X.

INclusus est etiam quodam tempore
Vir venerabilis in palude Comma-
clensi , quæ dicitur Origarium : undè
postmodum præ nimio palustris cœni
fœtore , & corrupto aere , ita totus
tumefactus , & depilatus exiit , vt ne-
quàquam eadem , quæ inclusa fuerat ,
species videretur . Näm & caro ejus
tota eatenūs erat viridis , ut vix stel-
lioni discolor appareret .

*De cella incensa , & per orationem
extincta .*

C A P. X X I.

ALIO quoquè tempore iu Insula ,
quæ Pereum dicitur , habitavit :
quæ videlicet Insula à Ravenna Urbe
duodecim ferè millibus distat . Ibi verò
dùm in cella cum quodam venerabili
viro , suo nimirùm discipulo , Guiliel-
mo nomine , moraretur , angusti parie-
tes habitaculi repente flamina corri-
puit .

S. ROMUALDI. 4^o

put , deindè ad alta condescendens , dominari per tecta liberis jam viribus cœpit . Protinus Vir sanctus ad solitæ defensionis argumenta confugiens , non quæ ibi erant reposita foras extrahere , non , ut mos est , tecti scindulas dissipare , non aquarum abundantiam spargere , non ullis impulsus est ad extinguendos ignes nisibus anhelare , sed solummodo orationem fudit , & confessim stridentes ignium globos divina virtus extinxit .

*De Rege hospite S. Romualdi , & quia
Abbatiam suscepit .*

C A P X X I I.

Eodem verò tempore junior Otto Imperator Classensem Abbatiam ordinare desiderans , optionem fratribus dedit , ut quem ipsi vellent , indubitantèr eligerent . At illi continuò unanimiter experti Romualdum . Imperator autē diffidens beatum Virum ad Regiam aulam evocari posse per nuncium , ire ad eum per semetipsum voluit , & ad cellam ejus , Sole occidente , pervenit . Cui Romualdus , quia
ma-

magnum hospitem in parva domo suscepserat, lectulum suum ad quiescendum dare dignatus est. Coopertorium tamen Rex noluit, quia asperrium judicavit. Manè autem facto, Rex eum secum ad Palatum duxit, tandemque sibi instare, ut Abbatiam susciperet, multis praecibus caperet. Qui cum reluctaretur, & Regiae petitioni assensum penitus denegaret, Rex autem, è contrario excommunicationem, & anathema ab omnibus Episcopis, Archiepiscopis & toto synodali Concilio minaretur, tandem imminentे necessitate succubuit, & animarum regimen coactus accepit. Referebat tunc hoc sibi nequam videri novum sed ante quinquennium sibi fuisse divinitus revelatum. Regebat itaque Monachos sub disticta Regulæ disciplina, neque alicui ab ea declinare impunè licebat, non denique nobilis, non litteris eruditus, per actus illicitos in destram, levamque partem deflesteret, vel à rectæ conversationis audebat rectitudine deviare. Vir denique sanctus cordis oculos in cælum figens, ut Deo in omnibus obtemperaret, non timebat hominibus displicere. Hoc autem fratres

con-

considerantes semetipsos prius accusant
quia hunc sibi præesse poposcerant :
deindè multis eum detractionum fusur-
rationibus lacerant , & duris scanda-
lorum aculeis vexant .

*De Abbatia dimissa: & pace inter Regem,
& Tiburtes facta.*

C A P. XXIII.

Romualdus itaque videns , & suam perfectionem aliquatenus minui , & illorum mores procliviùs in deteriora converti , Regem impiger adiit , & eo non leviter reluctante , unà cum Archiepiscopo Ravennate , in utriusque conspectu virgam projectis , & Monasterium dimisit . Porrò autem Rex Tibrinam tunc civitatem obsidebat . Cives enim inclytum ejus Ducem , Mazzolinum nomine , interfecerant , ipsum quoque Regē correptis armis à suis me- nibus exturbarant ; Unde non dubium est B. Romualdū illuc ex divina providen- tia missum , qui imminentis tot anima- rum periculum sequestra pace delevit . Hoc etenim int̄ eos pactus est , ut

Ti-
1

Tiburtes ad honorem Regis murorum
partem diruerent, obsides darent; Du-
cis verò iuferfectorem ad ejus matrem
catenatum dirigerent. Quæ sancti Vi-
ri fusis ad Deum precibus, mitigata,
cruelitèr offensa, & crimen indulxit,
& incolumen ad propria redire per-
misit.

De Sancto Venerio.

C A P. X X I V.

Fecit quoquè venerabilis Vir apud
Tibur alium boni operis fructum,
quem silentio prætereundum esse non
arbitror. Quidam nàmque beatus Vir,
Venerius nomine habitare primitùs in
Monasterio cœpit cum tanta humilitate,
& simplicitate, ut omnes illum fratres
subsannando despicerent, & delirum
atquè dementem esse putarent. Alii
nàmque illum sæpè colaphizare, alii
sordida qua lebetes lavabantur, aqua
perfundere, alii diversis illum solebant
convictorum jurgiis lacerare. Cùmque
ille se perpenderet intèr tot adversa,
tranquillum suæ mentis statum servare
non posse consortium deserens, in so-

li-

S. ROMUALDI. 45

lititudinem fugiens properavit. Ubi per sex annos absque vino, omnique pulmendo sub nimiae distinctionis ariditate permanxit: Hunc itaque Romualdus, audita ejus fama, visitare curavit. Quem interrogans, sub cuius regimine degeret, cuiusvè arbitrio suæ conversationis obedientiam exhiberet; respondit, se alieno solutum imperio, hoc sequi, quod sibi utilius videretur. Gui Romualdus ait: Si Crucem Christi portas, superest, ut Christi obedientiam non relinquas. Vade igitur, & consensu à proprio Abbatे suscepto, revertere, & sub ejus dominio humilitè vive; quatenus sacri operis ædificium, quod bona voluntas ædificat, humilitas erigit, obedientiæ virtus extollat. Hæc, & multa alia ædificationis monita proferens, docuit eum qualiter cogitationibus suis resistere, qualiter posset iniquorum spirituum infestationibus repugnare, & ita confirmatum, & instructum in multa eum, alacritate reliquit. Ille igitur sancti Viri documenta gratanter amplectens, Abbatem suum protinus adiit, consensum accepit, & ad dilectam solitudinem quantocvùs remeavit. Volens

au-

autem in possessione sui Monasterii habitare , ascendit in quoddam saxum nullis hominum vestigiis pervium , & ab humana penitus conversatione remotum , ibique per quatuor annos omni humano solatio destitutus , singulariter habitans , exceptis tribus bucellis , quas de Monasterio secum detulerat , non panem comedit , non vinum bibit , non coctum aliquid omnino gustavit , sed solis arborum pomis , & herbarum radicibus vixit . Erat autem in eodem saxo quedam concavitas , ubi colligebatur aqua in hieme , ex qua Vir sanctus tota bibebat aestate . Tandem vero cognito , quod ibi servus Dei moratur , cœperunt ad eum multi confluere , ciborum alimenta deferre , & quæque sibi quasi necessaria ministrare . Quorum ille nullius indigens , cuncta pastoribus pecorum , & aliis indigentibus exhibebat . Exhortante autem loci Episcopo . Basilicam ibi fieri , & consecrari permisit . In qua ipse aliquantò post tempore defunctus est , & à quibusdam se quarentibus inventus est acclivis ante altare , quasi causa orationis in cubitis , & genibus jacens . Ubi nonnulla per eum Dominus miraculorum signa operari

rari dignatus est. Sic denique sic bona terra ubres fructus reddidit, quæ verbi semen ex ore Romualdi multiplicatum suscepit.

De Tamo, & Religione Regis Ottonis.

C A P. XXV.

A pud prædictam quoquè Civitatem convertit beatissimus vir [Romualdus] Tammum quemdam Teutonicum, qui sicut dicitur, in tantum Regi familiaris, & charus extiterat, ut utriusqne vestes utrumque contegerent, & amborum manus una paropsis communi sæpè convivio sociaret. Crescentius namquè Senator Romanus indignationem Regis incurrens, in montem, qui dicitur sancti Angeli, confugium petiit, & quia munitio inexpugnabilis est, obsidente Rege, ad defendendum se fiducialiter præparavit. Cui Tammus ex præcepto Regis iusserandum securitatis præstítit, & ita ille deceptus, adhírente Papa, qui sibi inimicus erat, quasi reus majestatis capitalem sententiam subiit. Cujus uxorem postea Imperator in concubinam,

ac.

accepit. Quia igitur Tammus & fraudis conscius & periurio tenebatur obnoxius, sic circò à beato Romualdo iussus est relinquere sacerdotium. Qui mòx à Rege licentiam expetens, non modò facilem reperit, sed nimium etiam a lacrem fecit. Erat enim prædictus Imperator monastico ordini valdè benefvolus, & nimia circà Dei famulos affectione devotus.

Ipse autem Rex ex eodem criminе beato Viro confessus, pænitentiæ causa nudis pedibus de Romana Urbe progredivs, sic usquè in Garganum montem ad S. Michaelis perrexit Ecclesiam. Per totam etiam Quadragesimam in Classensi Monasterio B. Apollinaris, paucis sibi adhærentibus, mansit. Ubi jejunio, & psalmodiæ, prout valebat, intentus, cilicio ad carnem induitus, aurata desuper purpura tegebatur. Lecto etiam fulgentibus pallijs strato, ipse in storea de papiriis confecta tenera delicati corporis membra terebat. Promisit itaque B. Romualdo, quod Imperium relinquens, monachicum susciperet habitum: & cui innumeri mortales erant obnoxij, jam ipse pauperculo subjectus, cœpit esse debitor sui.

Quod

Quod S. Romualdus apud Casinum agrotavit deinde ad Pereum venit.

C A P. XXVI.

Romvaldus igitur cum eo, quem prædiximus, Tammo, & cum Bonifacio viro clarissimo, quem nunc felicissimum martyrem, se habere Russiana gloriatur Ecclesia, & cum aliis conversis Teuronibus, a Tiburis oppido ad Monasterium S. Benedicti, quod in Casino constitutum est monte, devenit. Ibi nempè graviter infirmatus est, sed citò ex divina misericordia convaluit. Habebat autem equum satis egregium, quem sibi Busclavi Sclavonici Regis filius dederat, factus ab eo manachus. Hunc Vir sanctus humilitatis studio permutavit, & lucroso concambio asinum laudabilis negotiator accepit. Nimio quippè Redemptoris nostri desiderio, qui asellæ tergo considerat, Vir venerabilis hoc ipsum animal libentiū aequitabat. Cùm his igitur omnibus superiū nominantis Romualdus ad Pereum, ubi dudum habitaverat, rediit, ibique denique

C his,

his , & aliis multis fratribus aggregatis , & per cellas singulas constitutis , tanto fervore , eremiticæ conversatio- nis rigorem , & in se , & in aliis tenuit ; ut illorum vita omnibus , ad quos fama eorumdem pervenire poterat , mirabilis haberetur . Quis enim non obstupesceret ? Quis non immutationem divinæ dexteræ prædicaret , cùm vidisset prius homines sericis , immò deauratis vestibus induitos , crebris ob sequentium cuneis constipatos , omnium deliciarum affluentiis assuetos , nūnc eos cerneret uno birro contentos , inclusos , discalceatos , incultos , tantà abstinentiæ arditate contritos ? Facie bant autem omnes opera manuum , alii scilicet concleria , alii nebant , alii retia nectabant , alii cilicia .

De S. Bonifacio Martyre.

C A P. XXVII.

QUORUM tamè omnium vitam B. Bonifacij conversatio longius transcendebat . Hic denique Regis fuerat consanguineus , & ita charus , ut Rex illum non alio vocaret nomine , nisi

S. ROMUALDI. 51

nisi Anima mea . Erat autem apprimè liberalium artium doctrinis instructus , maximequè in modulationis musicæ studijs approbatus . Hic itaque cum in cappella Regia moraretur , videns Ecclesiam antiqui Martyris Bonifacij , mox exemplo sui æquivoci ad martyrij desiderium provocatus , ait : Et ego Bonifacius vocor . Cùr ergò etiam , ipse Christi Martyr esse non debeo ? Deinde quoquè jam monachus factus tanta se abstinentiæ frugalitate constrinxit , ut sepè Dominicis diebus , & quinta tantum feria per hebdomadam manducaret . Nonnunquam verò si urticarum , vel etiam veprium cerneret densitatē , illuc se proiciens , volutabat . Ex quo cùm quidam frater aliquandò eum corriperet , dicens : Hypocrita , quarè hoc ad captandos popularis auræ rumores coram omnibus facis ? nihil aliud respondit : Tui sint Confessores , mei sint Martyres . Cùm verò pòst diuturnam eremiticæ conversationis vitam ad prædicandum jam ire disponeret , Romam primitùs pergere studuit , & ab Apostolica Sede consecrationem Archiepiscopatus accepit . Retulit mihi quidam Senex monachus , qui eum illuc comi-

tatus de Ravennæ finibus fuerat , quia
in toto illo itinere Vir venerabilis , cum
omnibus quidem , qui eum sequeban-
tur , pedestè ibat , sed ipse jugiter psal-
lens , & cæteros longè præcedens , nu-
dis sempèr pedibus incedebat . Prò la-
bore quidem itineris quotidiè comedie-
bat , sed per singulos dies de medio
pane , & aqua vivens , in diebus festis ,
ignoto videlicet omni liquamine , quo-
tidiano victui poma quælibet , vel her-
barum radices addebat .

Postquam autem consecratus est ,
quotidiè observabat & monasticum pa-
ritè , & canonicum in celebrandis ho-
rarum officiis ordinem . Cum vero jam
ultrömontanos peteret fines , & quo qui-
dèm vehebatur , sed venerabilis Pon-
tifex , sicuti , dicitur , nudis cruribus
semper , & plantis adeò intollerabilem
frigidissimæ regionis tolerabat algorem ,
ut volens descendere , vix pedem ab
subhærente ferro disjungeret , nisi aqua
prius calida subveniret . Ad Gentiles
autem postremo perveniens , cum tan-
ta cœpit fervidi pectoris constantia
prædicare , ut jam nullus ambigeret ,
quia Vir Sanctus martyrium flagitaret .
Illi vero timentes , nè sicut post marty-
rium

rium B. Adelberti, coruscantibus miraculorum signis, Sclavonicæ Gentis plerique conversi sunt, ipsis quoque similiter eveniret, longo tempore à beato Viro manus artificiosa malitia reprimunt, & cupidissimo mori, nolentes eū occidere, crudelitè parcunt. Cùmque ad Regem Russorum Vir venerabilis pervenisset, & constanti animo prædicationi vehementè insisteret, videns eum Rex squalidis vestimentis induitum, nudis pedibus incedentem, opinatus est, quia Vir sanctus talia non religionis causa proferret, sed iccirco potius ut pecunias congregaret. Promisit ergò sibi, quia si ab hujusmodi vanitate recederet, ipse paupertatem ejus largissima divitiarum liberalitate ditaret. Bonifacius itaqù mox ad hospitium sinè mora revertitur, pretiosissimis pontificalibus ornamentiis decentè indutus, & sic ad Regis palatium de nuò præsentatur. Rex autem videns eum tam decoris vestibus adornatum, ait: Nunc scimus, quia te ad vanam doctrinam non paupertatis inopia, sed veritatis impulit ignorantia. Veruntamen si vis vera credi, quæ asseris, erigantur duæ excelsæ lignorum catastæ,

brevissimo à se interstitio separatæ , & igne supposito, cùm vaporatæ fuerint , ita ut utriusque struis unus ignis esse videatur, tu transi per medium. Quod si Iesus ex aliqua parte fueris , iphi te penitus consumendum ingnibus trademus : sin autem (quod credi non potest) sanus evaseris , omnes nos Deo tuo absq[ue] ulla difficultate credemus . Cùmque hoc foedus non solum Bonifacio , sed , & cunctis , quæ aderant , Gentibus placuissest , Bonifacius ita vescitus , velut Missarum sollemnia celebrantus , priùs cum sanctificata aqua , & incenso thure undique perlustrans ignem , deinde stridentes flamarum globos ingressus , ita exivit illæsus , ut nèc minimus capitis ejus capillus videatur exustus . Tunc Rex , & cæteri , qui huic spectaculo interfuerant , cæteratim se ad pedes beati Viri proiciunt , indulgentiam lacrymabilitè petunt , & baptizari se instantissima supplicatione depositunt .

Cœpit itaque tanta Gentium multitudine ad Baptisma confluere , ut Vir sanctus ad spatiōsum quemdam lacum pergeret , & in ipsa aquarum abundantia populum baptizaret . Decrevit autem

tem Rex , ut Regnum reliquens filio ,
ipse quamdiu viveret , se à Bonifacio
nullatenus separaret . Frater autem
Regis cum ipso pariter habitans dum
nollet credere , absente Bonifacio , ab
ipso Rege peremptus est . Alius vero
frater , qui jam à Regis , erat cohabita-
tione divisus , mox ad eum . Vir ve-
nerabilis venit , audire ejus verba no-
luit , sed de conversione fratris nimia
adversus eum ira succensus , continuo
comprehendit , deinde timens , ne si
vivum teneret , Rex eum de manibus
ejus eriperet , in sua praesentia , cir-
cumstante non parva hominum multi-
tudine , decollari præcepit , statim ve-
ro & ipse cæcatus est , & tantus eum
cum omnibus , qui astabant , stupor op-
pressit , ut nec sentire , nec aliquod
humanitatis officium agere aliquatenus
possent ; sed cuncti velut lapides rigi-
di , & immobiles permanerent . Rex
autem hoc audiens , nimio dolore per-
eussus omnino deliberat non solam
fratrem occidere , & cunctos , qui sibi
tanti reatus fautores extiterant , gladiis
trucidare . Sed cum illuc protinus ad-
venisset , & corpore Martyris adhuc
in medio posito , fratrem simul cum re-

liquis hominibus sīnē sensu . & motu
stupefactus astare conspiceret , hoc sibi
cūm suis omnibus placuit , ut priūs
pro eis oratio fieret , si forsitan illis di-
vina misericordia sensum , quem amise-
rant , reformaret : deindē si accuei-
scent credere , indulto crīmine vive-
rent , sin autem , omnes ultiōibus gla-
diis interirent . Cūm igitur , & ab ip-
so Rege , & à cæteris Christianis diu-
tiūs fuisset oratum , non solūm prior
sensus stupefactis hominibus redditur ,
sed insuper consilium quoque flagitan-
dæ veræ salutis augetur . Nam conti-
nuò pænitentiam sui criminis flebili-
tèr expetunt , Baptismi Sacramenta
cūm magna alacritate suscipiunt , super
corpus quoquē beatissimi Martyris Ec-
clesiam construunt . Verumtamen ego
si de hoc mirabili Viro cuncta , quæ di-
ci veraciter possunt , virtutum dona
referre tentarem , deficeret forsitan
lingua , non deficiente materia . Dūm
igitur Bonifacii virtus proprio indigeat
stylo , iccirco tamēn illum cūm aliis
Romualdi discipulis summotenus hic
memorare curamus , ut ex eorum lau-
de , quam magnus vir , gloriōsus Ma-
gister eorum fuerit , demonstremus ;
qua-

quatenus dūm celitudo clientium auribus fidelium insonat, quam excelsus Doctor eorum fuerit, ex schola, quam tenuit, innotescat.

*De SS. Ioanne, & Benedicto
Martyribus.*

C A P. XXVIII.

Intrerā Romualdo in Pereō adhuc habitante, Busclavus Rex preces Imperatori direxit, ut sibi spirituales viros mitteret, qui Regni sui Gentem ad Fidem vocarent. Mox Romualdum Imperator aggreditur, & concedi sibi de suis Monachis, qui illuc destinari utiliter valeant, deprecatur. Ille verò nulli suorum hoc præcipere velut ex prælationis auctoritate voluit, sed in eorum voto ponens sive manendi, sive abeundi, eis optionem dedit. Ignorabat enim ex tam metuendo negotio voluntatem Dei, & ideo non illud suo, sed fratum potius arbitrio committebat. Intetrogante igitur eos, & humilitè obsecrante, tandem duo solummodo sunt ex omnibus inventi, qui se ulcrò ad eundum promptos offerunt.

Quorum unus Ioannes , Benedictus alter vocabatur. Hi itaque ad Busclavum euntes ; in eremo prius , eo substantante , manere cœperunt , & ut prædicare postmodum possent , Sclavonicam linguam laboriose discere studuerunt . Septimo verò anno , cum jam loquela terræ plenè cognosceret , unum ad Romanam urbem Monachum mittunt , & per eum à summæ Sedis Antistite prædicandi licentiam petunt . Injungunt etiam , ut nuncius ille aliquos secum de B. Romualdi fratribus duceret , qui eremiticæ conversationis edocti , cum eis simul in Sclavorum partibus habitarent .

Busclavus autem volens , coronam sui Regni ex Romana auctoritate suscipere , prædictos venerabiles Viros obnixa cœpi supplicatione deposcere , ut ipsi plurima ejus dona Papæ deferrent , & coronam sibi à Sede Apostolica reportarent . Qui Regiæ petitioni assensum penitus denegantes , dixerunt : Nos in sacro ordine positi sumus , trahare nobis sæcularia negocia minimè licet : & ita relinquentes Regem , ad cellam reversi sunt . Quidam verò , Regis agnoscentes consilium , sed quid sancti

sancti Viri responderint, ignorantes,
 copiosum auri pondus, quod mitten-
 dum Apostolico fuerat, secum eos de-
 vulisse ad cellulam opinati sunt. Dein-
 de intra se conventione pacta condi-
 cunt, ut noctū eremum latenter ingre-
 si, & Monachos interficerent, & pe-
 cuniam asportarent. Quos cùm beati
 Viri tentantes irrumpere persensissent,
 adventus eorum causam protinus agno-
 scentes, Confessionem intèr se facere,
 & sanctæ Crucis se cœpere vexillo mu-
 nire. Erant autem ibi duo pueri ec-
 tum obsequio ex aula Regia deputati,
 qui prout vires dabant, stare pro San-
 ctis, & furibus resistere nisi sunt. Fu-
 res verò reperto tandem auditu irru-
 entes, extractis gladiis, omnes pariter
 occideretur. Tunc thesaurum anxiè
 perquirentes, sed eversis omnibus ni-
 hil invenientes, ut tanti reatus crimem
 obtegerent, & humana suspicio non ar-
 mis, sed flammis potius, quod factum
 fuerat, deputaret, cellam incendere,
 & ipsa conati sunt Martyrum cadavera
 conflagrare. Sed admoti ignes, amissis
 naturæ viribus, nil omnino consu-
 mere ullis hominum studiis potuere.
 Ita enim eos ipsa etiam parietum mate-

ries repellebat , ac si pro lignis durissimi silices essent . Frustrati itaque fures in fugam se conferre nituntur , sed & hoc illis ex divina providentia dengatur . Tota siquidem nocte per frumenta nemorum , per latitudinem saltuum , per opacā silvarum viam anxiati sunt quærere , quam tamē nullatenūs valueret errabundis vestigiis invenire . Sed neque pugiones in vaginas recondere arefactis brachiis potuerunt . Ubi verò Sanctorum jacebant corpora copiosum lumen usque in diem splendescere , & dulcissima Angelicæ cantilenæ non desit suavitas resonare .

Adyeniente autem die , quod factum fuerat , Regem latere non potuit . Qui illicò ad eremum cùm numerosa populi multitudine festinavit , & nè fures evaderent facta corona hominum totam sylvam undiquè circumcinxit . Qui tandem reperti sunt manifesti criminis rei , & ad gladios suos adhuc divina ex ultione ligati . Rex autem quid de eis faceret , habita consideratione deliberrans , hoc postremò decrevit , ut nequam eos , sicut merebantur , occidi præcipiteret , sed ferreis catenis vincitos ad sepulchra Martyrum destinaret

S. ROMUALDI 61

naret, quatenus aut ibi usquè ad obitum in vinculis miserabilitè viverent, aut si sanctis Martyribus aliter videtur, ipsi eos sua misericordia liberarent. Qui cùm ad Sanctorum tumulum fuissent ex præcepto Regis attracti, mòx ineffabili divinitatis omnipotentia fratris sunt nexibus absoluti. Deinde facta super corpora Sanctorum Basilica innumerabilia non solum tunc, sed & nunc ibi fiunt ex divina virtute prodigia.

De Monacho per Angelum de carcere liberato.

C A P: XXIX.

IMperator autem Heinricus Busclavi consilium non ignorans, undique vias custodiri præceperat, ut si Busclavus Romam nuncios mitteret, in ejus illicò manibus devenirent. Monachus ergo, qui nupèr missus à sanctis Martyribus, fuerat, demùm captus est, & mòx carcerali custodiæ mancipatus. Nocte verò illum Angelus Domini in carcere vjsitavit, & consummatos esse eos, quorum legatione fungebatur, admonuit: statimque aperto divinitus car-

car-

cere, præparatum sibi esse navigium in
fluvio, quem transiit erat, asse-
ruit. Quà festinans Monachus Angeli-
cæ promissionis Fidem veram esse pro-
bavit.

*De Monasterio sancti Aldeberti conſtru-
do, & prophetia S. Romualdi ad-
versus Regem prolata.*

C A P. XXX.

DUm moraretur autem Romualdus
adhuc in Pereo, Imperator Ot-
to Monasterium ibi ad honorem S. A-
delberti, eo suggestente, construxit,
cui contigua Classensis coenobii prædia
contulit, & ea sibi ex Fiscali posse-
fione in Firmensis Monarchiæ partibus
recompensavit. Abate ergo illic ex
Romualdi discipulis constituto, & fra-
tribus aggregatis, cœpit eos Romual-
dus sub magna tenere custodia, & do-
cebat eos sub regulari vivere discipli-
na. Præcepit etiam Abati, ut in ere-
num secedens, per totam hebdoma-
dam in cella consisteret: diebus vero
Dominicis fratres ad Monasterium ve-
niens, visitaret. Qui sancti Viri jussa
con-

contemnens, cœpit sacerdotaliter vivere,
& pede operis semel exorbitante à re-
ctitudinis tramite jam longius declina-
re. Videns ergo Romualdus quod se-
cundum suæ voluntatis ardorem ibi la-
borare non posset, Regem protinus adi-
xit, & acceptæ promissionis exactor, ut
Rex monachus fieret, insistere vehe-
mentius cœpit. At ille facturum se
quidem, quod exigebatur, afferuit, si
tam en prius Romam, quæ sibi rebel-
labat; impeteret: & ea devicta, Ra-
vennam cum victoria remearet. Cui
Romualdus si Romam inquit, jeris,
Ravennam ulterius non videbis: &
apertissimè illi mortem propinquam el-
se denuncians, quia eum revocare non
potuit, proculdubio de ejus certus in-
teritu, dum Rex Roman properat,
Romualdus navim ascendens, ad Civit-
atem Parentium tranferat. Rex ita-
que secundum beati Viri prophetiam,
vix à Roma reverti incipiens, mox
languore correptus, apud Paternum
defunctus est.

Ubi

*Ubi gratia perfectionis S. Romualdo
divinitus est concessa.*

C A P. XXXI.

Romualdus autem tribus annis in Parentinæ civitatis finibus habitans, in uno Monasterium construxit, & Abbatem in eo cum fratribus ordinavit, in duobus vero inclusus manxit. Ibi nempè ad magnæ perfectionis cumulum pietas illum divina provexit, ita ut sancto affactus Spiritu, & non nullis ventura prospiceret, & multa veteris, ac novi Testamenti occulta mysteria radiis intelligentiæ penetret. Anxiabatur autem ibi aliquando in lachrymas erumpere, sed nullo valebat conamine ad contriti cordis compunctionem venire. Factum est ergo quadam die dum in cellula psalleret, ut in hunc psalmi versiculum incidisset: *Intellectum tibi dabo, & instruam te in via hac, qua gradieris, firmabo super te oculos meos.* Repente igitur tanta sibi lacrymarum effusio orta est, & ita mens ejus ad intelligendas divinæ Scripturæ sententias illustrata; ut ex

co-

odem die , & deinceps quādiū vixit ,
& quandocumque voluisset , uberes si-
bi lacrymæ facillimè fluenter , & pluri-
ma illum Scripturarum mysteria non
laterent . Frequentèr enim tanta illum
divinitatis contemplatio rapiebat , ut
quasi totus in lacrymas resolutus , æstu-
ante iuenarrabili divini amoris ardore ,
clamaret : Chare Jesu chare , mel me-
um dulce , desiderium ineffabile , dul-
cedo Sanctorum , suavitas Angelorum ,
& cætera hujusmodi , quæ ille sancto
Spiritu dictante in jubilum proferebat ;
nos humano sensu exprimere talia non
valemus , Sicut enim Apostolus dicit :
Nos sicut oportet , orare nescimus , sed
ipse Spiritus orat pro nobis gemitibus
innerribilibus . Et ideo Romualdus
Missam celebrare coràm pluribus num-
quàm volebat , quia se à lacrymarum
inundantia continere non poterat . Un-
dè etiam postomodù præ nimia jā con-
suetudine Vir simplicis animi putans
gratiā sibi divinitùs prærogatā , omnibus
esse concessam , dicebat , plerumqùe
discipulis . Cavete nè multas lacrymas
effundatis , quia , & visum minuunt ,
& verticem lœdunt . Ubi cumquè au-
rem Vir sanctus habitare disposeret ,

ora-

oratorium cum altari primitùs intra cel-
lulam faciens , deindè se recludens ,
aditum damnabat .

*De prophetia S. Romualdi , qua disci-
pulorum prænunciavit adventum .*

C A P. XXXII.

Miserunt aliquaudò ad illum fra-
tres , qui morabantur in solitu-
dine , quæ Bifurcum dicitur , consilium
flagitantès , qualitèr conversari in ere-
mo deberent , qualitèr diabolicis im-
pugnationibus resistere potuissent . Quo-
rum nuncii cum ad Monasterium à quo
Romualdi cella longius aberat , perve-
nissent , illicè venerabilis Vir per spi-
ritum eorum cognovit adventum , præ-
sepitque Abbatì Ansoni , qui sibi tunc
assistebat , dicens : Vade , & pulmen-
tum fratribus præpara , qui de longin-
quis partibus advenerunt : qui conti-
nuò cœpit eum deridere , & dicere :
Quia vere falsus Propheta esset . Po-
stremò tamèn velùt coactus ad Mona-
sterium veniens , eos , & quos Vir san-
ctus prædixerat , orantes jam in Eccle-
sia reperit . Quos videlicèt Romual-
dus

dus multo salutaris doctrinæ sale condidit. multis denique contrà antiqui hostis insidias virtutum armis instruxit; & postquam eos de omnibus subtiliter docuit, cum multa eos ad eremum alacritate remisit.

*De reditu ejus à Parentio, & nautis
ejus meritis de periculo liberatis.*

C A P. XXXIII.

Alio quoquè tempore rursùs prædicti fratres ad eum nuncios dirigunt, & de eadem re consilium majori adhuc anxietate requirunt. Quibus Vir venerabilis ait: Ego nunc libellum de pugna dæmonum scribo, quem vobis, cum redieritis, dabo, vel certè ipse vobiscum forsitan venio. Hoc illi audientes, protinus in faciem se prosternunt, & ut cum illis ire dignaretur, importuna admodum supplicatione deposcunt. Altera verò die iturum secum eis incunctanter afferuit, & ut navim inquiererent, jussit. Audiens hoc Parentinus Episcopus nimio mœror percusus est. Inveniens quoquè Monachos propter navigium discuren-

rentes , multis contumeliarum eos de-
honestavit injuriis . Hoc etiam cunctis
juxta portum manentibus promulgavit
edictum , ut quicumque Romualdo na-
vim dare præsumeret , ipse quoquè una
cum ipso irrevocabili profectio[n]e de-
migrans , Parentium ulterius non re-
diret . Festinè igitùr nuncius ad Po-
lensem Episcopum mittitur , ut beato
Viro navigium mittere non moretur .
Sæpè namquè præfatus Episcopus ad-
hortatus illum fuerat , ut nequaquam
de cætero in tam obscuro recessu in-
clusus lateret , sed illuc potius se con-
ferret , ubi animarum lucrum copio-
siùs facere potuisset , nè videlicet sicut
carbo soli fibimet arderet : sed magis ,
ut re vera lucerna super candelabrum
posita , omnibus , qui in domo Dei
sunt , radios suæ lucis infunderet .

Dùm igitur nuncius , qui missus fu-
erat , expectaretur ; Romualdus his ,
qui secum erant , fratribus ait : Nove-
ritis proculdubiò , quia frater ille tar-
diùs veniet , & in alia navi nos ire priùs ,
quām ille revertatur , oportet . Adve-
niente autem sancto die Dominico , in
ipso primæ lucis crepusculo dixit assi-
xenti sibi cuidam fratri , nomine Ingel-
berto

berto, qui postea Archiepiscopus in
 Gentibus factus est: Respice, inquit,
 procùl in pelagus, & vide duas naves
 longinquis adhuc spatiis pari adversum
 nos velocitate tendentes, quarum nos
 definitè debeat una suscipere. Qui cu-
 riosius intendens, & expansis oculorum
 radiis sollicitè cuncta perlustrans, ali-
 quod remigandi signum omnino videre
 non potuit. At cum dies jam jamque
 claresceret, ecce extremo videt intu-
 itu duas naves eminè adventantes, &
 præ nimia adhuc longinquitate, quasi
 totidem volucres apparentes. Quibus
 tandem subeuntibus portum, interro-
 gati remiges, utrum Romualdum
 cum suis in propria vellent nave susci-
 pere, nova mòx repleti lætitia, se &
 sua omnia in ejus potestate constituunt,
 & beatos se fore tam pretiosæ margari-
 tæ pondere profitentur. Illo itaque die
 minas aëreis formidantes ire noluerunt.
 Rumualdus autem exhortatus est eos,
 ut statim in spe divinæ gratiæ iter inci-
 perent, spondens eis, quia nullum
 omnino periculum substinerent, Illi
 tamen tota die ibidem commorantes,
 nocte navigare cœperunt.

Circa diluculum autem subitò venti
 fævi-

sæviunt, tempestas oritur, mare ab imo
fundo versatur. Jam verò furentes un-
diquè procellæ ipsos quoque remiges
transvolant, & navim hinc idnè con-
cutientes, totas pænè tabulas laxant.
Videres itaque homines, alios quidem
se ad natandum exuere, alios verò di-
versis se plaustribus religare; quosdam
autem, ut supernatare fluctibus possent,
remos, aut lignum aliquod strictum
tenere. Cumque in tanto discriminine
non jam dubium desperatis omnibus
naufragiū immineret, illicò Romualdus
ad solita videlicè orationis armamenta
cucurrit, & reclinato paululùm caputio,
capite devexo in gremiū, præces sub si-
lentio ad Dominū fudit: deinde Ansoni
Abbatì, qui cominùs assidebat, securè
præcedit, dicens; Denuncia nautis, ut
nequaquam timeant, sed omnes se in-
columes euasuros absquè ulla penitus
ambiguitate cognoscant. Vix modicum
pòst hoc, & eccè ultrà omnium spem
absquè ullo humano studio ipsa se navis
dirigit, & mòx in portum Capreolæ
Civitatis delapsa, celericè subintravit.
Tunc omnes liberatori Deo dignas re-
ferunt gratias, & manifestè se de fau-
cibus mortis ereptos Romualdi meritis
profarentur.

De

De adventu S. Romualdi in Bifurcum.

C A P. XXXIV.

VEniens itaque Romualdus Bifurcum, visis omnium fratrum celis, quia suprestituzione quadam ambitione videbantur, in nulla earum habere hospitium voluit, nisi in illa solummodo in qua Petrus venerabilis ejus discipulus habitabat; Vir si quidem mirabilis abstinentiae, multaque admodum extremitatis, qui cellulam sibi ad S. Hilarionis exemplum vix umquam largiorem fieri quatuor cubitis permittebat. Referebat autem poste idem venerabilis vir, quia dum B. Romualdus cum ipso maneret, & psalmos uterque inter se vicariis versibus alternaret, triciès in nocte, vel eo amplius se Romualdus ad requisita naturae ire simulabat, quoniam affluentium lacrymarum inundantiam, atque singultus cohibere non poterat. Cumque ibi Romualdus aliquandiù moraretur, & fratres non solum de spirituali certamine, verum etiam, ut sibi Abbatem præferrent, & communia cuncta fa-

facerent, admoneret; illi, quia suum habebat unusquisque sustentatorem, & prout cuique libuerat, proprii sequebatur arbitrii libertatem, Romualdi præcepta suscipere non magnoperè curaverunt.

*De adventu ejusdem ad Vallem de Castro,
& multo animarum fructu per
eum facto.*

C A P. XXXV.

Romualdus ergò sterilitatis impatiens, anxia cœpit aviditate perquirere, ubi terram potuisset ad proferendos animarum fructus idoneam invenire. Misit itaque nuncios ad Camerinæ provinciæ Comites. Qui audito nomine Romualdi, nimio repleti gaudio, cuncta suæ virtutis offerunt prædia, non modò silvarum, & montium, sed si sibi etiam placeret agrorum. Postremò repetus est in eorum possessione locus eremiticę conversationi satis congruus, montibus undique vallatus, & silvis. In medio verò ampla quædam planicies non solum proferendis frugibus apta, sed perspicuis etiam

etiam fontium aquis irrigua. Hic itaque locus vallis de Castro antiquitus vocabatur, ubi jam parva erat Ecclesia, in qua conversarum quarundam mulierum videbatur esse conventus. His itaque loco cedentibus constructis cellulis illic habitare cum suis discipulis vir venerabilis cœpit. Ibi autem quantos animarum fructus per illum Dominus acquisierit, quis valeat, vel atramento describere, vel lingua proferre? Cœpere namquè homines ad pænitentiam hinc indè confluere, sua pauperibus misericorditer erogare; aliū sæculum omnino relinquere, & ad sanctæ conversationis ordinem spiritu fervido festinare. Erat enim Vir beatissimus quasi unus de Seraphim, quia & ipse flamma divini amoris incomparabiliter æstuabat, & alios, quocumquè pergeret, sanctæ predicationis fæcibus incendebat. Sapè namquè dum prædicationis verba preferret, tantum illum compunctio in lacrymas excitatbat, ut subito interruptum sermonem relinquens, aliquorsum repentino imperu velut amens aufugeret. Nam & si quando cum fratribus æquitabat, longè post alios veniens, sempèrque

D

psal-

psallens , nihilominus ac si in cellam
resideret , jugiter lacrymas effundere
non cessabat .

Intèr cæteros autem præcipue singu-
lares Clericos , qui per pecuniam or-
dinati fuerant , durissima severitate
corripiiebat , & eos nisi ordineni spon-
tè desererent , omnino damnabiles , &
hæreticos asserebat . Qui novam rem
audientes , occidere illum moliti sunt .
Per totam namquè illam Monarchiam ,
usquè ad Romualdi tempora , vulgata
confuetudine , vix quisquam noverat ,
Simoniacam hæresim esse peccatum .
Qui dixit eis : Canonum mihi libros
afferte , & utrum vera sint , quæ dico ,
vestris attestantibus paginis comproba-
re . Quibus itaque diligentè inspectis ,
& crimen agnoscunt , & errata deplan-
gunt . Constituit itaque Vir sanctus
plures Canonicos , & Clericos , qui
laicorum more seculariter habitabant ,
Præpositis obedire , & communiter in
congregatione vivere docuit . Nonnulli
quoque Episcopi , qui per Simoniacam
hæresim sacras Sedes invaserant , ad
eum causa pænitentiæ concurrebant .
Qui etiam venerabili Viro se commit-
tentes , & Episcopatum termino statu-

to deferere , & ad sanctæ conversationis se promittebant ordinem festinare . Ex quibus tamèn Vir sanctus quamdiù vivit , nescio si vèl unum convertere potuit . Est enim venenata illa hæresis , præsertim in Episcopali ordine , tam dura , & ad convertendum rigida , ut sempèr promittens , sempèr de die , in diem producens , atque in futurum procastinans , faciliùs possit Judæus ad fidem converti , quam hæreticus latro plenè ad pœnitentiam provocari .

De fure , quem frangentem cellam Gregorii per spiritum vidit , & illesum dimisit .

C A P. XXXVI.

IN eisdem quoquè partibus Vir sanctus Monasterium condidit puellarum . Solemni quadam die dum Vir venerabilis illic cum fratribus in capitulo resideret , & eos salutaris doctrinæ dampibus satiaret , repente ipsum interrumpeps sermonem , anxia quadam animadversione exclamare cœpit , & dicere : Agite nunc , inquit , agite , & quantoctius properate , quia jam fratis Gregorii

gorii cellam fur frangit (hic autem Gregorius Archiepiscopus in gentibus postmodum consecratus est) qui protinus exilientes ad cellam perniciè currunt, & furem jam parietes infringenter inveniunt. Quem capientes ad magistrum pertrahunt , & quid de tam sacrilego raptore faciendum esset , inquirunt . Quibus Vir sanctus cæpit hiliter dicere : Et ego , fratres , ignoro quid de tam malo homine possimus facere . Eruimus sibi oculos ? sed postea non videbit . Incidimus ei manum ? sed amplius non laborabit , ac per hoc forsitan fame peribit . Si pedem truncamus , ambulare non poterit . Sed intrò eum minante , & cibum illi priùs apponite , ut quid de eo faciendum sit , interim pertractemus . Et ità Vir sanctus exultans in Domino , postquam cibari latronem fecit , deindè modestè correptum , & dulcibus verbis admonitum , redire ad propria in pace permisit .

*De Monasterio Urbis veteris, quod
construxit.*

C A P. XXXVII.

POstremò dimissis in valle de Castro nonnullis de suis discipulis, ad regionem se Urbis veteris contulit, & in possessione Pharulphi Comitis Monasterium, multis quidem suffragantibus, sed eo maximè expensas præbente, construxit. Tantus namquè in sancti Viri pectore faciendi fructus, ardor incan- duerat, ut effectis nunquam contentus, dum alia ficeret, ad facienda mòx alia properaret; adeò ut putaretur totum mundum in eremum velle convertere, & monachico ordini omnē populi multitudinem sociare. Multos denique illic de sæculo abstulit, quos per plura sacra loca divisit.

De filio Comitis, qui cæcum post mor- tem illuminavit.

C A P. XXXVIII.

Nonnulli quoquè nobilium filii, contemptis parentibus, ad Vi-
D 3 sum

rum beatissimum fugiebant. Ex quibus etiam filius Guidonis Comitis fuit, qui in ipsa pueritia non longo tempore postquam monachus factus est, ad mortem veniens, vidit duos iniquos spiritus, quasi nigerrimos vultures terribiles in se oculos infingentes. Cumq; hoc assistenti sibi B. Romualdo puer ediceret, protinus addidit: Eecè Magister, tanti nunc Ætiopes intrant, ut jam totum adficium repleant. Exhortatur autem, ut confiteretur quid delinquisset, hoc solummodo crimen felix ille peccator cum magno terrore confessus est, quia jussus fuerat à Priore, nescio quo scopas accipere, quas nè dūm accepert. Romualdo igitur sibi tanti facinoris veniam indulgente, in pace defunctus est. Postera verò die cæcus quidam, præbendarius videlicet Patris ejus, ad sepulcrum illius venit, & altiori voce clamavit: Hem Domine, inquit, meus, si cum Deo es, sicut credo, preces pro me ad eum funde, & oculorum mihi lumen restitue. Et hoc dicto statim illuminatus est. Nonnulli quoque ægroti ad ejus tumulum venientes, redditи sunt sanitati. Nam & ipsum ejus sepulchrum velut multis ple-

plenum aromatibus redolebat. Et ita à
Deo meruit honorari post mortem, qui
pro ejus amore dum viveret, carnalium
parentum sprevit hæreditatem.

*De tribus Monasteriis, quæ S. Romual-
dus construxit, & de profectione
eius in Ungariam.*

C A P. XXXIX.

INTEREA Romualdus audiens, quia
beatissimus vir Bonifacius martyri-
um suscepisset, nimio desiderii igne
succensus, ut pro Christo sanguinem
funderet, Ungariam mōx ire dispo-
suit. Interim tamē dūm in ipsa inten-
tione p̄sistere, brevi tempore tria
constituit Monasteria, unum videlicet
in valle de Castro, ubi nūnc sanctissi-
mum corpus ejus est conditum, aliud
propè Insinum fluvium, tertium juxtā
oppidum condidit Esculanum: Deinde
licentia ab Apostolica Sede suscepta,
& duobus è suis discipulis in Archie-
piscopos consecratis, cum viginti qua-
tuor fratribus iter arripuit. Tantus enim
ardor moriendi pro Christo in omnibus
assuabat, quod Vir sanctus ad tale ne-

gotium cum paucis ire difficile poterat. Eentes ergò cum jam ipsi Pannoniarum finibus interessent, repente Romualdus languore correptus, ulterius ire non potuit. Cùmque diutiùs patetur, si quandò redire disponeret, protinus ex ægritudine convalescebat. Sin autem ire ultrà tentaret, tota ejus facies protinus intumescebat, cibos quoque jam retinere stomacho languescente non poterat. Advocatis, itaque fratribus ait: Perpendo, inquit, nequaquam divinæ voluntatis esse judicium, ut ultrà progrediar. Veruntamen quia intentionis vestræ desiderium non gnoro, neminem vestrum redire compello, multi nempè etiam antè nos totis nisibus studuerunt ad martyrii culmen pertingere, sed quia di vina prvidentia alitrè sensit, in suo gradu coæti sunt remanere. Licet ergò vobis omnibus martyrium defuturum esse non ambigo, qui tamèn ire, qui mecum redire voluerint, uniuscujusque relinquatur arbitrio. Quindecim igitur Ungariam prodeuntibus, duobus alibi jam dimissis, vix septem cum Magistro discipuli remanserunt. Euntium autem quidam flagellantur, venduntur,

plu-

plures domino subeunt , ad martyrium
tamen , sicut Vir sanctus prædixerat ,
non pertigunt .

Romualdus autem converso quodam
nobilissimo Viro, Adhelberonis videli-
cet Ducis consanguineo , qui postea
monachus factus in sancta usquè ad
mortem conversatione permansit , ali-
isque Teutonicis , ad Monasterium ,
quod in Urbis veteris regione constru-
xerat , rediit . Notandum itaque est ,
quia sanctus Vir nequaquam velut le-
vitate usus , falli inanitè potuit , qui
secundum intentionem quidem suam
martyrium subiit , juxta divinum verò
consilium pro salute eorum missus est ,
quos convertit . In prædicto igitùr
Monasterio multa persecutionis scan-
dala passus est . Volebat enim Abba-
tem , ut revera monachum , extreni-
tatem diligere , sæcularia ex desiderio
non tractare , res Monasterii pro vanâ
gloria non expendere , fratum usibus
necessaria ministrare . Quæ omnia dūm
ille surda aure contemnit ; Romualdus
locum cum suis discipulis deferens ,
longè à Castro prædii in virtute Raine-
rii , qui postmodùm Thusciæ Marchio
factus est , habitavit .

De Rainerio Marchione.

C A P X L.

HIC autem Rainerius Cojugem suam occasione propinquitatis abiecerat, & consanguinei sui Uxorem, quem ipse se insequentem quodammodo invitus occiderat, in conjugium copularat. Ob hoc itaque Romualdus, nè criminis ejus paticeps fieret, gratis manere in ejus possessione noluit, sed unum sibi aureum pro aqua, alterum verò pro lignis appendit. Quos, cùm ille omnino respueret, mallens videlicet sua dare, quām à sancto Viro quidquam recipere. postremò tamē vīctus assensit, potiūs quām Romualdus abiret. Dicebat autem idem Rainerius cum iam Monarchiam obtineret, quia non Imperator, non aliquis omnino mortalium tantum mihi metum valet incutere, quantum me Romualdi terret aspectus. Antè ejus quippè vul-
tum nequè quid dicam scio, neque quibus me defendere valeam, ullas excusationes invenio. Habebat revera
Vir sanctus hanc ex divino munere
gra*do*

gratiam, ut quicumque peccatores, præsertim potentes seculi, in ejus præsentia devenissent, mòx velut ante majestatem Dei tremefactis visceribus formidarent. Sanctus nimirùm Spiritus, qui pectori ejus habitator inerat, hunc terrorem injustis divinitùs inten-debat.

De Abate Classis qui S. Romualdum voluit strangulare.

C A P. X L I.

ILlis verò temporibus Vir venerabilis unum Monasterium non longe à Massiliano castro construxit. Audiens autem aliquandò, quia Venetus quidam Classensem Abbatiam per coemptionem Simoniacæ hæreseos invaserat, insuper quoquè in corpus suum iniquè peccabat, illuc protinus ire miles Christi impiger studuit, diversisque modis ex eo Monasterium purgare tentavit. Vir autem reprobus dum Abbatiam metuit perdere, non times homicidium perpetrare. Itempesta siquidem nocte, dum Romualdus in lecto sicure quiesceret, ille cum la-

center egressus impiis cœpit digitis
gutrur ejus astringere, nitens eum cru-
delitèr suffocare. Sed dūm Vir sanctus
nèc dūm prorsùs intercepto spiramine,
anhelitu vix eluctante, rauciret, In-
gelbertus illicò Magistri singultibus ex-
citatus, torrem mòx ex sopito igne
corripuit, & ministrum diaboli ab in-
cepto nefandissimi criminis exturba-
vit.

De ita, & reditu rursus à Parentio.

C A P. X L I I.

POst hæc Romualdus denuò Paren-
tium navigavit, sed Apostolicæ
Sedis Antistes, & Romani cives, ad
eum redeundi legationem dirigunt.
Quod si reverteretur, facturos se om-
nia ejus præcepta promittunt; sin autem,
excommunicationis sententiam cōminā-
tur. Hoc itaque modo suum Romual-
dum alumna Italia recuperare prome-
xit.

De

De miraculo latronis in monte Petran-
no facto.

C A P. XLIII I.

EO itaque tempore in faucibus Cal-
lensium montium aliquandiu man-
sit, deinde in Petranum montem, non
longe videlicet à Monasterio S. Vin-
centii, quod juxta Candilanum con-
stitutum est fluvium, demigravit. Quò-
cumque autem Vir sanctus ibat, sem-
pèr fructificans, sempèr animalium lu-
crum magis, ac magis accumulans, &
homines de sæculo abstrahens, velùt
totus in ignem conversus, ad cælestē
desiderium animos hominum accende-
bat, Volens autem tunc locum ad ere-
mum faciendam idoneum invenire,
præcepit cuidam presbytero, ut ad
domum propriam rediens, sibi, & his
qui eum comitabantur, alimenta de-
ferret, Deinde montem indagine stu-
diosā pelustrans, postremò quem-
dam monachum juxta parvam basilicam
habitantem reperit, à quo mōx, ut se-
cūm pergeret, & locum ostenderet,
ubi aqua inveniretur, exegit. Qui ni-

mi-

mirum denegavit se domum sine custode posse relinquere, quia latronum insidianum impetum formidaret. Ad haec Romualdus se recompensaturum, si tale quid accidisset, cuncta spondit. Sicque jam alienæ injuriæ debitor factus, monachum secum duxit. Illis itaque locum quærentibus. eccè præsbyter, ut jussus fuerat, prandium deferens, furem jam domum infringenter reperit, repertum cœpit, captum usque ad Romualdi redditum custodivit. Quem Romualdus inveniens, prius illum pia studuit verborum austernitate corripere, deinde dulciter admones incolumen permisit ad propria remeare. Sic nimirum, sic divina prævidentia servavit illæsum, quod in absentis Romualdi fuerat custodia derelictum.

Item miraculum de aliis latronibus.

C A P . X L I V .

R Ursus dum in eisdem partibus celas construeret (erat autem sarcina procul ab eis sub quodam saxo reposita) tunc Vir venerabilis quemdam

fra-

fratrem illuc quasi cum quodam impe-
tu propulit, præcipiens sibi, ut nimis
anxiè festinaret. Qui mòx fures super-
venientes, illos quidem jam rapere
tentantes reperit, sed nihil adhuc ex
his, quæ reposita fuerant, deesse co-
gnovit. Qua èx re rectè colligitur, beatum
Virum non sinè divinæ revelatio-
nis instinctu fratrem cum tanta sollici-
tudine destinasse, ipso videlicet pun-
cto, quo fures ad rem non custoditam
contigit pervenisse.

Quare, & quomodo S. Romualdus eje-
ctus est de Valle de Castro.

C A P. X L V.

POst hæc Romualdus ad Monaste-
rium Vallis de Castro revertitur,
mòxque Abbatem sic alios regere, ut
semetipsum tamè nequaquam neglige-
ret, exhortatur. Volebat insuper, ut
cellam, qua usus fuerat occasione re-
giminis, non omnino desereret, sed
in ea sibimet spiritualiter vivens, præ-
cipuis tantum festivitatibus fratres ad-
monitionis gratia visitaret. Erat enim
beato Viro tam odiosa ista, quam cer-
nimus

nimus , Abbatum conversatio , ut non minùs gauderet , si de manu cuiusque Abbatiam potuisset evellere , quām si daretur sibi potentissimum , quemlibet sacerdotalium ad sancte conversationis ordinem convocare . Sed sicut per Salomonem dicitur : Velut acetum in nitro , ita qui cantat carmina cordi perverso ; ille prædicatione venerabilis Viri de malo deterior factus . Comitissas loci dominans protinus adiit , & ut ligna , quibus Romualdi cellæ debebant construi , minutatim incidi præciperent , sacrilega machinatione suggestit . Eo itaque modo alta Paradisi cedrus de terrenorum hominum silvis ejecta est .

De miraculo , quod fecit in Aqua bella , curans Præsbyterum .

C A P . X L V I .

INDE verò progrediens non longè ab Apennino monte , in loco , qui dicitur Aqua bella , manere constituit . Illic sanè dum sacerdotes quidam cum discipulis ejus habitationum tecta construerent , Romualdus autem , quia jam præ senectute laborare non poterat &

& solus hospitium custodiret, Presbyter quidam intolerabilem dolorem in dentibus sentiens, opus ædificii invitus reliquit, & postulata à fratribus licentia, redire domum miserabilitè ejulans, cœpit. Cùmque per Romualdum transitum reversionis haberet, interrogatus cùr abscederet, mòx casum suæ passionis innotuit. Huic Romualdus hianti locum, ubi patiebatur, dígito tetigit, dicens. Ignitam, inquit, subulam, ne labrum lædat, in calamus mitte, & hic pone, sic dolor auffugiet, Vix Presbyter unius jugeris spatio ultrà progressus est, & confessim omni dolore deposito, ad opus, quod reliquerat, sanus, & in columnis repedavit, claris nimirùm vocibus exclamans, & dicens: Gratias tibi agimus, omnipotentes Deus, qui regionem nostram splendore tanti sideris illustrare dignatus es. Verè Angelus Dei, verè Propheta sanctus, & lux magna occulta mundo, in finibus nostris apparuit. Hæc, & alia multa in Dei laudem vociferans, vix à beati Viri discipulis tacere compulsus est. Nam si talia verba ad Romualdi aures qualibet occasione pertinserent, gravissima cor ejus indignatione ferirent.

Item

*Item miraculum de Fago prope cellam
eius incisa.*

C A P. X L V I I .

Alio quoquè tempore dūm in quādam Eremo valdē speciosa, & egregia, cui nomen est Camaldulenfis, quam ipse ædificaverat, in cella resideret, magnam aliquam fagum, quæ propè cellam ejus astabat, incidi præcepit. Erat autem fagus ita cellæ acclivis, & imminens, ut juxta humanam opinionem, si eccidisset, totum mōx ædificium indubitanter obrueret. Cūmque operarii vellent jussa perficere, sed ruinam arboris formidarent; ille, ut nequaquam timeretur, instabat. Itaque cum impactis circumquaquè securibus, in ipsa jam arboris viscera veniretur, arbor autem super beatum Virum non jam dubio impetum minaretur, cœpere omnes rogare, & vocibus clamoris vehementer insistere, ut si cellam postponeret, semetipsum exiens conservaret. ille autem nequaquam eorum clamoribus acquiescens, vt cœptum citò perficerent definitè præcepit

pit, facto signo Crucis contra eam. Postremò fagus gravissimo sonitu corruens ità aliorū est ex divina virtute projecta, ut cunctis mirantibus, cella omnino remaneret illesa. Omnes igitur tanto obstupefacti miraculo, lætas ad cælum voces tollunt, immensas Deo gratias referunt.

*De ilicē lapsa super rusticum, &
eum non læ dente.*

C A P. XLVIII.

Sed quid nos de divina circa venerabilem Virum custodia dicimus, cum & alios sèpè per ejus presentiam ex magnis ereptos fuisse periculis, non ignoramus? Ex quibus videlicet unum hic memorare sufficiat, ut plures fuisse prudens lector agnoscat. Aliquando namquè ipse cum operariis manens nimis magnitudinis Ilicem in montem Petrano faciebat incidi. Quæ videlicet arborin prærupto montis declivio pendens, in ima vergebatur. Rusticus autem quidam paulò inferius stabat. Cùm igitur præcisa arbor graviter curruens, per duecum mon-

montis volueretur in præceps, mòx re-
pertum rusticum repentino impetu cœ-
pit ad inferiora rotare. Cuncti proti-
nus dolentes exclamant, & jam non
solum esse hominem mortuum, sed to-
tum quoquè dilaceratum ejus corpus
existimant. Sed mira divina virtus, ità
mòx sanus, & in columis repertus est,
ac si supèr eum non arbor, sed arbo-
ris folium cecidisset. Hinc jure per-
penditur sancti Viri meritum, quan-
tum apud Deum pondus habuerit, in
cujus conspectu gravissima arboris mo-
les pondus habere nescivit.

*De contumelia, quam passus est à suis
discipulis in Sytria.*

C A P. X L I X.

POstmodùm verò Romualdus cùm
Apenninum desereret, montem
Sytriæ habiturus ascendit. Cavendum
autem summoperè est, nè quis cùm au-
dierit, quia Vir sanctus tot loca muta-
verit, pii operis pondus vitio levitatis
adscribat. Hæc nempè mutationum ejus
causa proculdubio fuerat, quia ad ve-
nerabilem Virum, ubicumquè dege-
ret,

ret, turba hominum pñ: innumera-
bilis concurrebat: Ratio ergò posce-
bat, ut cùm unius loci spatum plenum
habitatoribus cerneret illic Priore con-
stituto, ad replendum mòx aliud festi-
naret. In Sytria verò quòd contumeli-
as, quòd scandala à suis discipulis pas-
sus sit, non est nostræ facultatis evol-
vere. Ex quibus videlicèt unum hìc
ponimus, cætera brevitatis studio pre-
terimus. Habebat námquè quemdam
discipulum. Romanum nomine, qui
nobilis quidem fuerat genere, sed
omnino degener actione. Hunc itaque
Vir sanctus cùm pro suæ carnis immuni-
ditia non modo verbis argueret, sed
sæpè etiam verberibus gravissimis coer-
ceret, ausus est diabolicus vir titulum
illi ejusdem reatus opponere, & impu-
dentè contrà sancti Spiritus templum
sacrilego ore latrare, dicens videlicèt,
sanctum Virum unà secum ex eadem
contagione peccasse. Mòx itaque dis-
cipuli omnes adversus eum irati, omnes
infesti, alii clamant, senem impium
laqueo debere suspendi; alii dignum ju-
dicant cum ipsa cellula ignibus concre-
mari. Quod utique valde mirabile fuit,
præsertim spirituales viros ex decrepi-
to

to senè , & ultrà quam centenario, tam
nefarium scelus credere potuisse : cui
etiam si voluntas adesset, natura tamen,
& frigidus sanguis , & ariditas attenua-
ti corporis hoc penitus denegaret. Sed
credendum est proculdubio , ad augen-
dum sancti Viri meritum , hoc sibi tam
gravis adversitatis cælitus accidisse fla-
gellum . Nam , & ipse asserebat , hoc
in Eremo , undè nuper abscesserat a-
gnovisse , & ad hoc de honestatis im-
properium subeundum alacriter adve-
nisse . Ille autem sarabaita reprobus ,
qui sancto Viro crimen intenderat , E-
piscopatum postmodùm Nucerinum
per Simoniacam hæresim acquisivit , &
per biennium illum occupans , in pri-
mo anno incensam ædem cum librīs ,
& tintinnabulis , ac cæteris sacrī
ornamentis , exigentibus suis meritis ,
vidit ; in secundo autem dignitatē
cum vita , divina illum feriente sen-
tentia miserabiliter perdidit.

*De divina Jussione ad S. Romualdum, ut
Missam celebraret, & Psalmos
exponeret.*

C A P. L.

IMPOSUERUNT ITAQUE DISCIPULI SANCTO VIRO, quasi de omni missio criminē pānitentiam, & celebrandi sacra mysteria penitus abstulere licentiam. Quod ille praejudicium libenter amplectens, & pānitentiā velut revera obnoxius criminis observavit, & ad sacrosanctum altare per sex ferē menses accedere non prae sumpsit. Tandem verò, sicut ipse postmodūm eisdem suis discipulis retulit, diminitus sibi jussum est, ut si divinam timeret gratiam perdere, jam indiscretā simplicitatem omnino postponeret, & sacra Missarum solemnia fiducialiter celebraret. Postera igitur die sacrificare incipiens, cùm ad secunda Missæ secreta perventum esset, in extasim raptus, tām longo temporis spatio silvit, ut omnes, qui aderant, mirarentur. Interrogatus autem postmodūm, cùr in offerendo Sacrificio tantas moras præter solitum habuisset; respondit,

Rap-

Raptus , inquit , in cælum oblatus sum
aute Deum , & continuò mihi divina
voce præceptum est , ut secundum hunc
intellectum , quem mihi Deus immisit ,
Psalmos exponeré , & pro modulo mei
sensus chartulis per ordinem commen-
darem . Ego autem nimio , & inenarrabili
terrore constrictus , respondere nihil a-
liud potui , nisi tantummodò , fiat , fiat .
Vndè posteà Vir sanctus totum Psalteti-
um , & nonnulla Prophetarum Cantica
luculentè exposuit : & licet corrupta
grammaticæ regula , sanum tamen sen-
sum ubique servavit .

*De anima S. Romualdi , quæ delata est
ante Deum , candida velut nix .*

C A P . L I .

INTEROGAVERUNT eum aliquandò disci-
puli , dicentes : Magister , cujus es-
se ætatis anima cernitur , vel in qua fi-
gura ad judicium præsentatur : Respon-
dit : Scio hominem in Christo , cujus
anima delata est antè Deum splendida
velut nix , humana quidem effigie , sta-
tura verò perfectæ ætatis . Inquisitus
iterum , quis ille esset , indignans , &
con-

confundens eos , dicere noluit . Mox
discipuli rem ad eum, ut veracti erat
int̄ se invicem referunt , & ipsum
fuisse hominem certa manifestatione co-
gnoscunt,

*De nimia distinctione vitæ , quam in
Sytritenuit ,*

C A P. LII.

IN Syria denique Vir venerabilis
per septem ferè annos inclusus man-
sit , & silentium continuum inviolabili-
tēr tenuit. Veruntamen tacente lingua,
& prædicante vita, vix usquam tantum
laborare aliquandò potuit , yel in con-
vertendis hominibus , sive ad peniten-
tiām concurrentibus . Vivebat autem ,
vergente jam senectute , nimis distictè ,
videlicet cùm jam , & ipsi perfecti viri
solent remissus vivere , & aliquid fibi
de sui propositi rigore laxare. Nam per
unius Quadragesimæ spatiū nihil ali-
ud neque in cibo , neque in potu peni-
tūs habuit , nisi de modica farina , &
paucis herbis sorbitiunculam faciens ,
ex ea ad imitationem Hilarionis vixit .
Quinque verò hebdomadibus nihil a-

E

liud

Iud comedens, ad modicum se infusi
ciceris astrinxit. Et ita Romualdus per
multa alia vivendi genera, quid sua vir-
tus posset, per hæc, & illa se jugiter ex-
ercendo, tentabat. Studebat quippe
discretus Christi miles ad nonum se-
certamen sempèr accingere, & cùm
jam jam cadere videretur, adhibita
mox misericordia, vacillans corpuscu-
lum relevare. Duo autem, vèl etiam
tria, quandoquè habebat cilicia pro-
ptèr nascentem corporis importunita-
tem. quæ lavari nullatenus permitebat,
sed ea potius ad imbreem projiciens,
post triginta dies mutare consueverat.
Novaculum autem numquàm in su-
um caput patiebatur ascendere, sed
ipse sibi perraro solebat excrementa
capillorum, & barbæ forcipibus at-
tondere. Si quandò verò eum ex ali-
quo esculentiori cibo gulæ vitium titil-
laret, mox accuratè illum præparari
præcipiens, ori, & naribus apponebat.
& solùm captans odorem, dicebat: O
gula, gula, quàm dulcis, quàm suavis
modò tibi saperet iste cibus, sed vèh tibi
èx eo numquàm gustabis: & sic intact-
um ad cellarium remittebat.

*De miraculo, quo Gregorium insufflans
do sanavit.*

C A P. L I I I .

Sed quamquam Vir sanctus cantam
erga se servaret austерitatem, sem-
per tamen hilarem vultum, semper se-
renam faciem ostendebat. Nam frater
quidam, Gregorius nomine, gravissi-
mum capitinis dolorem se perpeti aliquan-
do conquestus est. Qui cum ad beatos
Viri cellulam, ubi & alij fratres tunc
erant, cum nimia lamentatione venis-
set, mox ut eum Vir venerabilis vidi,
hunc dolorem ne quaquam humorum
inæqualitati, sed insidijs antiqui hostis
indubitanter ad scripsit, & mox quasi
deridens eum, ut erat seper alacri vul-
tu, per fenestram cellulæ sibi insuffla-
vit in frontem, & ut cæteri omnes, qui
aderant, similiter facerent, junuit. Hoc
autem facto, ita sanatus est, ut nullum
penitus sentiret in suo capite doloris
remansisse vestigium. Arbitror, quod
idcirco Vir sanctus hoc facere voluit,
quia per Spiritum sanctum, qui in ejus
pectore præsidebat, effugandum esse
iniquissimum hostem doloris immissore

credidit. Ad evitandam verò propriam laudem, & ludum fixit, & socios quæsivit. Näm, & Redemptor noster insufflasse legitur, cum Spiritum sanctum Apostolis dedisse perhibetur.

De insano, quem osculo curavit.

C A P . L I V .

Vit quidam capit is patiebatur insaniam, ità ut sensu rationis amissio, vel quid ageret, vel quid diceret, funditus ignoraret. Huic Romualdus nihil aliud fecit, nisi solummodo osculum, præbuīt, & proteinū illum ad incolumentem pristinam revocavit: & cùm in quieto homine dum pacem fecit, ad mentis eum suæ pacem reduxit. Reserebat autem postmodum ille, qui curatus fuerat, dicens: Quia cum sacra beati Viri labia tangere merui, statim prodire ex ore ejus quasi vehementis auræ spiritum sensi, qui totam faciem meam, & ipsum denique sinciput perflans, omnem cerebri extuantis ardorem protinus effugavit.

Item

Item de Gregorio, quem de gravi morbo aqua frigida liberavit.

C A P . L V.

Alio quoquè tempore idem, qui supra, Gregorius, tam virosam, & marcidam tollerabat in crutibus scabiem, ut jam ex elephantiae morbo crederet tam gravem prodire tumorem. Huic Romualdus hoc præcipuum medicinæ genus indixit vide ceteri, ut crura per tres dies frigida aqua perfundaret, promittens, quia hoc modo sanitatem pristinam recuperaret. Quod tamen ille adimplere studit, nimirum magis necessitate jussionis, quam recipienda fiducia sospitatis. Mirum satis. & solùm divinæ potentiae referendum, Confestim tibiarum tumor deponitur. Virus omne iiccatur, & penitus omni languore deposito; frater sanus, per omnia redditur. Credi ergò rationabiliter potest, quia eodem Spiritu Romualdus discipulo, ut tèr aquis tumentia crura perfunderet, iussit, quò Eliæus Naaman leprosum lavari septies in Jordane mandavit.

De discipulo, quem Romam euntēm per spiritum cognovit, & de illo, qui sibi derogans reclusorium fregit.

C A P . L V I .

Nōnulli tamēn , carnales videlicet homines , cūm malitiosē reprehendere , & ejusdem dicta , vel facta non timebant levitatis vitio depurare . Quidam namquē ejus discipulus in alia procul Eremo morabatur , qui propinquorum necessitati aliquāndō condescendens , pro eorum utilitate , rāndēm velūt invitūs Romam ire quadragesimali tempore acquieuit . Quod mōx Vir sanctus per Spiritum recognoscens , velūt indignans scripsit astanti cuidam fratri , quod videlicet ille bonus Vir pro hujusmodi negotio Romā ire præsumpsit . Ille autem admirans , undē hoc Magister agnosceret , cum quo videlicet nemo aliundē veniens , colloquium habuisset , rem sollicitē perquisivit , & ita esse , sicut vir venerabilis dixerat , comprobavit . Pergit ille ad alium suum condiscipulum videlicet Ingelbertum , qui inclusus manebat , &

Ma-

Magistrum hæc dixisse, & sine dubio prophetiæ Spiritū habere prorsus affirmat. Ille autem detestans, & penitus denegans fratrē corripuit, & quia hoc falsum esset, imprecationi se vinculis obligavit, dicens: Si ille, hoc per prophetiæ Spiritum, & non magis pèr diabolum dixit, non me omnipotens Deus in hoc reclusorio perseverare permittat. Dictum, factumque est. Näm vix paucis diebus transactis, Ingelbertus fracto reclusorio, sine Magistri lice via abiit, & eum in hac vita, sicut dicitur, nūquām ulterius vidit.

De Gaudentio, & Berardo, & monacho sanato.

C A P. L V I I .

Alius frater Gaudentius nomine, Abbatis videlicet hujus Monasterij S. Vincentij pater, cum magno fervore conversus, ardenter postmodum spiritu in Dei est servitio conversatus. Hic aliquandò à B. Romualdo licentia petiit, quia vellet cuncta jam pulmenta dimittere, & pane cum aqua contenus, pomis quoquè, sine crudis blieribus

bus vicitare . Hoc igitur impetrato ,
cum in eodem proposito infatigabilitè
permaneret . Tedaldus quidam alius
frater infirmitati illius indiscretè com-
patiens , adire Magistrum studuit , &
quia frater ille tam grave pondus por-
tare non posset , & hanc ejus obstina-
tionem frangi omnino debere , sugges-
fit . Romualdus autem , ut putà Vir
simplicis animi , Tedaldi verbis assen-
sum dedit , & Gaudentio talis vitæ li-
centiam abstulit . Ille verò graviter
ferens , nequaquam amplius cum Te-
daldo in Eremo , in qua eos Romual-
dus posuerat , passus est habitare : sed
Ingelberto , qui à Romaldo disjun-
ctus fuerat , se subdidit , & ab eo con-
fessum prædictę conversationis accepit .
Hic itaque Gaudentius non multo post
tempore defunctus est , & in cemeterio
B. Vincentii juxta corpus Berardi ve-
nerabilis Viri , qui æquè Romaldi
discipulus fuerat , est sepultus : Ro-
mualdus autem quia ille in prævarica-
tione inobedientiæ vitam finierat , ora-
tionem prò eo fieri penitus interdixit .
Aliquantò autem post tempore mona-
chus quidam prædicti Cœnobii dum
matutinam synaxim cum reliquis fratri-
bus

bus celebraret, repente tanti acrem dolorem sentire in dentibus coepit, ut jam in choro ad psallendum stare omnino non posset. Qui protinus exiens, super sepulchrum se Berardi, atque Gaudentii lamentando jactavit, & medelam sibi per eos provenire sperans, medium se inter utrumque constituit: dumque ibi aliquandiu jacens oraret, mox eum somnus oppressit. Illico sane vider Berardum sacerdotalibus ornamentis splendidissime decoratum, tenentem in manibus librum aureis litteris scriptum, ante altare scilicet stan tem, & Missarum solemnia celebrantem. At cernit Gaudentium mōerentem, tristem, demisso vultu, post tergum Berardi procul assistere, & velut excommunicatum sacris appropinquare mysteriis non audere. Qui mox locutus est ei, dicens: Vides, inquit, frater, illum Berardi librum mirabiliter deauratum? Ego quoque talem per omnia nūnc haberem, nisi illum mihi, heu, heu, Tedaldus monachus abstulisset. Statimque frater evigilans, sanus, & incolumis, fugato omni dolore, surrexit. Deinde latus visionem suam fratribus per ordinem retulit. Quod Ro-

V I T A

mualdus audiens , illicò præcepit fratribus , ut jam Gaudentio fraternalm charitatem impederent , atque pro eo enixiùs orarent . Unde non sine ratio ne colligitur , quod ille , qui privatus societate Romualdi , librum , quem meruerat , perdidit , jam ejus gratiæ restitutus , & orationibus sublevatus , eumdem librum recuperare meruit : & quem Tedaldus nonnisi per Romualdū abstulerat , jam Romualdus orando pro illo cum omnibus simùl fratribus red dat .

De discipulo in letto S. Romualdi à dæmonibus verberato.

C A P. L V I I I.

A Liquandò Vir venerabilis cu jusdam causa necessitatis in viam ire disponens , uni discipulorum cel lam commisit , & usquè ad suum reditum in ea illum manere præcepit . Ille verò temerarius , dum debiti honoris reverentiam Magistro non servat , audacter in ejus stratum jacere non dubitat . Eccè autem in ipsa nocte mali gni spiritus supèr eum immaniter irruunt

ruunt, gravissimis eum verberibus atterunt, & projectum delecto pñne seminecem derelinquent. Merito namque tam superbos suæ offensionis ultores pertulit, qui in talem virum postposita humilitate peccavit: & dum pio Magistro non exhibuit reverentiam, ex duris, & impiis sensit manibus disciplinam. Similiter quoquè postmodum venerabilis Vir iter acturus, alium in eadem cella discipulum dereliquit. Cui cum discipulus diceret. Magister ego in lecto tuo non jaceo, quia quod alii contigit, mihi etiam consequenter evenerit formido. Ille respondit: Fili mi, jace, & dormi securus: ille enim in eo recumbans, idcirco in manus inimicorum incidit, quia parvitatis meæ licentiam non accepit, tu autem accepto consensu, in Deo spem pone, & sine pavore quiesce. Qui videlicet in eo, sicut jesus fuerat jacuit, & nullius omnino causam adversitatem incurrit.

*De muliere in amentiam versa, &c. S.
Romualdi benedictione sanata.*

C A P. LIX.

SÆcularis quidam vir, Arduinus nomine, Romualdo se ad suspicendum sanctæ conversationis habitum tradidit: deinde domum, ut sua quæque disponeret, remeavit. Cumque eum uxor sua venientem vidisset, fœmineo nimirūm furore succensa, exclamavit adversus eum, dicens: Sic bone vir, ab haeretico illo, & antiquo seductore nūnc venis, & me miseram, & destitutam omni humano solatio derelinquis? & hoc dicto, protinus in amentiam vertitur: & ita furere, & conquassari coepit, ac si patentèr à dæmonio vexaretur. Habebat autem Vir sanctus hujusmodi consuetudinem, ut si quando fratres in viam dirigeret, benedictionem illis, sive pomum, seu quodcumque aliud daret. Unde discipuli, ut experti multoties fuerant, certum tenebant, quod si ex benedictione Magistri cuilibet ægroto porrigerent, ad salutem illum incolumem

revo

revocarent. Näm & ex aqua, unde manus ejus abluebantur, plures languidi sœpè restituti sunt sanitati. Quo d tamèn cautissimè oportebat fieri, nè si Vir sanctus hoc aliquatenus deprehenderet, in gravissimam tristitiam deve-
niret. Cùm igitù diù jam fœmina miserabiliter vexaretur, quidam fratres, qui aderant, de benedictione panis, quam à Magistro susceperant, ei par-
ticulam tradiderunt. Deindè cum hoc mulier comedisset, mòx mente sedata ab omni redditur insaniae furore li-
berrima. Quæ protinus omnipotenti Deo, & Romualdo famulo ejus recu-
peratæ sanitatis gratias retulit, & Viro suo conversionis licentiam ulterius non negavit.

De Dæmoniaco ab eo curato.

C A P L X.

Alio quoquè tempore puer qui dam dæmoniacus ad beatum Virum de-
latus est. Cui ille nihil aliud fecit, nisi pro benedictione sibi panis particulam tradidit. Qua mòx puer ille refectus, confessim est a demonio liberatus. Jure
quip-

LIBRO VI T A.

quippè postquam benedictio Romualdi male possellum corpus intravit, inde confessim malignus spiritus cautheratus exivit.

De diabolo, qui S. Romualdo mortem minatus, cællæ parietem fregit.

C A P L X I.

NUmquam tamèn diabolus à sancti viri poterat impugnatione quiescere. Et quia occulta jam aduersus eum fraude nil poterat, non cessabat virus suæ malitiæ visibiliter demonstrare. Aliquando namquæ Vir venerabilis dum in cella consisteret, eccè malignus spiritus, ut est revera tetterimus, hispidus, horribilis, immensum cœpit sancto Viro terrorem in cutere, & cum nimio furoris impetu mortem sibi ministans intentare. Cumque Romualdus auxilium de cælo imperterritus, quæreret, & ut sibi Christus succurreret, fiducialiter exclamaret, mòx antiquus hostis aufugiens, ipsum cellæ parietem tanto iracundiaæ felle percussit, quod gravem fagistabulam unius cubiti spatio, vèl eò amplius fudit. In habitacu-

S. ROMUALDI. 112

Io igitur patentē ostendit , quantā ad-
versus habitatorem flamma crudelitatis
exarsit , & quodammodo scriptum re-
liquit in pariete , quod occultum ge-
rebat in mente .

*Item de diabolo , qui exterrens equum , S.
Romualdum mergere voluit .*

C A P. LXII.

A Liquandō etiam dūm venerabilis Vir cum suis discipulis equitaret , eccē malignus spiritus rubei canis effigiem simulans cum magno impetu obviam irruit , & æquum , cui insidebat , ita ut pænè Vir sanctus mergeretur , exterruit . Interrogati discipuli si eum vidissent ; exhorrescentem guidem e-
quum conspexisse se asserunt , sed nil tale eis apparuisse testantur . Ille verò ait : Miser ille , qui olim præclarus Angelus fuisse cognoscitur , nūnc se in immundi specie canis ostendere no-
veretur .

Item

Item de diabolo, qui orta inter discipulos S. Romualdi discordia, vegetem percutiebat.

C A P. L X I I I .

R Ursus alio tempore cùm Monasterium Ancillarum Dei , quod est in valle bona , constuere decrevisset , discordia mòx intèr sancti Viri discipulos oritur , quia videlicet alii nolunt , alii verò , ut fieret , vehementer insistunt . Cumq. ante venerabilem Virum utræque dissidentium partes diversa-
uteates allegatione contenderent , cœpit diabolus antè portellam cellæ quasi malleo vegetem sine cessatione percutere , & per reboantem silvam crebris audiebatur tunctionum ictibus intonare . Deinde cùm jam omnes unanimiter Monasterium fieri concordassent , ecce malignus spiritus , cunctis audientibus , ululare , plorare , & flebiles non cessabat voces emittere . Postremò autem , cum jam divisi ad suum quisque reverteretur hospitium , prosequebatur eos antiquus hostis cū tanta tempestate , & turbine , ut quasi omnia ventorum ge-
nera

nera commovens , totam silvam radicatus evellere putaretur . Quidam vero fratum increpans eum dixit : Præcipio tibi in nomine sanctæ Trinitatis , immuude spiritus , ut desinas venire post nos . Et ita fugatus est . Jure quippe auctor discordia , conposita pœce , compulsus est in fletum prorumpere , qui prius audiebatur crescente rixa gaudere ; & qui tunc quasi circulum vacui vasis abstrahere , & partes , quibus compactum fuerat , dissipare tentavit , constrictis jam in vineculo pacis , & charitatis compage discipulis , tristis abscessit .

De districta vita , quæ tunc in Syria ducebatur .

C A P . L X I V .

TAliter autem in Syria vivebatur , ac si ex similitudine non solùm nominis , sed etiam operis , altera de nudis pedibus incedentes , omnes inculti , pallidi , & nimia omnium rerum extremitate contenti . Nonnulli vero damnatis januis clausi , ita mortui videban-

debantur mundo , velut in sepulchro
jam positi , Vinum ibi nemo noverat ,
nec si etiam gravissimā quisquis ægri-
tudinem pateretur . Sed cur ego de
monachis loquor , cum & ipsi monacho-
rum famuli , ipsi quoquè custodes pe-
corum jejunarent , silentium tenerent ,
disciplinas int̄r se invicem facerent , &
de quibuslibet verbis pænitentiam fla-
gitarent ? O aureum Romualdi sæcu-
lum , quod & si tormenta persecutorum
non noverat , spontaneo tamen martyrio
non carebat ! aureum , inquam , sæcu-
lum , quod inter montium , & silvarum
feras tot cælestis Hierusalem cives ale-
bat . Cum vero ibi fratres jam tanti
essent , ut omnes illuc habitare vix pos-
sent , tunc Romualdus , Monasterio ibi
constructo , & Abbatे præposito , in-
violatum servans silentium , Bifurcum
secessit ad habitandum . Illic etiam vo-
lens Abbatem spiritualiter vivere , &
rectitudinis vitam tenere , multam ab
eo passus est persecutionis injuriam .

*De prophetia S. Romualdi, & colloquio
eius cum Henrico Rege.*

C A P. L X V.

INterea Imperator Henricus de ultramontanis partibus in Italiā veniens, misit beato Viro deprecatoriā legationem, ut ad eum venire dignaretur, promittens se facturum quæcumque præcipere, si suum ei colloquium non negaret. Cumque venerabilis Vir prorsū abnueat silentium frangere, cæperunt omnes discipuli unanimiter illum obsecrare, dicentes: Magister vides, quia nos, qui te sequimur, tanti jam sumus; quod hic congruenter habite non possimus; vade ergo, si placet, & imperatori magnum aliquod Monasterium quære, & multitudinem te sequentium ibi constitue. Quibus Vir sanctus, nescio. si accepta jam revelatione, aut subita Dei inspiratione fidenter scripsit: Scitote, quia Montis Amiati Monasterium ex dono Regis habebitis: considerate tantummodo, quem illic Abbatem constituere debeatis. Igitur inviolato silentio perrexie

ad

ad Regem . Cui Rex protinus assurgēs
ex magno cordis affectu in hanc vocem
erupit , dicens : O utinām anima mea
esset in corpore tuo . Quem mōx , ut
loqueretur , suppliciter obsecrans , ip-
so die hoc impetrare non potuit

Postera autem die , Romualdo ad
palatium veniente , ecce Teutonicorū
multitudo certā hinc indē con-
currunt , capita talutantes humilitè
flectunt , villos quoque pelliceæ vestis ,
qua erat indurus , anxiè decerpentes ,
pro sacrī reliquijs in patriam portatu-
ri , studiosè recondunt . Quæ videlicet
res venerabilem Virum tanto mœrore
dejecit , ut nisi discipulis obstantibus
acquiesceret , ad cellam protinus repe-
daret . Ingressus igitur ad Regem non
pauca sibi locutus de restituendo jure
Ecclesiarum , de violentia potentium ,
de oppressione pauperum , & post mul-
ta unum sibi prò suis discipulis Mona-
sterium petijt . Cui postmodum Rex
Montis Amiati Monasterium tradidit ,
& Abbatem , quia multis erat malis ob-
noxios , foras ejecit . Ubi Vir sanctus
quanta adversa perpessus sit , non so-
lū ab eo , qui ejetus fuerat , sed etiā
ab illo , quem ipse ex suis discipulis

Ab-

Si ROMUALDI 117

Abbatem constituerat, ille quidem perferre patientissime potuit; nos referre, etiam si adesset facundia, non valemus. Sed qualiter illum Deus in cunctis adiuperit, uno exemplo monstrare sufficiat, ut prudenti cuilibet, quid etiam in reliquis evenerit, innotescat.

Dc monacho, quem diabolus strangulare cœpit, sed S. Romualdus eripuit.

C A P. LXVI.

Monachus quidam vesano adversus eum furore succensus, pilum latenter exacuit, & eum reponens, ut beatum Virum interficeret expectare congrui occasionem temporis cœpit, Nocte vero dum depresso sopore qui-esceret, ecce videt malignum spiritum in se immaniter irruentein, qui retor-tam in collum ejus mittens, tanta ferocitate conabatur guttur ejus astringere, ut jam ille cogeretur funditus expirare. Tunc monachus in externo jam spiritu positus, Romualdum, ut sibi succurreret, obsecravit. Qui, ut mo-nacho videbatur, protinus advolans, de manibus eum iniqui hostis eripuit. Hic
igi-

igitur mox experrectus, ad pedes venerabilis Viri prostratus advolvitur, ut allisionem cervicis aspiciat, deprecatur: confiteri etiam crimen suæ malitiæ non veretur Postremò conservatæ vitæ sibi gratias retulit, & pænitentiam tanti reatus accepit. Et ita qui Romualdo vitam insidiatur eripere jam per eumdem sanctissimum Virum, & suam meruit conservare, & cui inferre mortem studuit, purgatum suæ periculum, mortis evasit.

De S. Romualdo, qui circumclusus aquis, cibum sibi deferendum cælitus agnovit.

C A P. L X V I I .

HABEBAT autem Sanctus consuetudinem, cum Monasterium teneret, ut nisi cum jejunaret, ad communem mensam cū fratribus quotidiè veniens, unum quidem pulmentum comederet, postmodùm verò lectioni, vèl quid etiam apud unumquenque ageretur, intentus, de reliquis non gustaret. Quadragesimali verò tempore, nisi necessitate inevitabili cogeretur, in cellula jugiter morabatur. Dùm igitur præ-

prædictum Cœnobium Vir beatissimus
regeret , quadragesimali jàm propin-
quante jejunio , quærebatur cum discipu-
lis per vicina montium loca , ubi Ere-
mum facere potuisset . Dùmque longas
in quærendo moras protraherent , re-
pentè aquis undique circumfluentibus
ita conclusi sunt , ut nèc ipsi jam redi-
re , nèc de Monasterio quisquam ad eos
posset aliquatenus trans vadare . Vive-
bant autè èx aliquantis castaneis , quas
secùm detulerant . Cùmque dies Do-
minicus advenisset , & alia cibi spes
nulla jam sup : resset , cœperunt fratres
pauculas , quæ remanserant , castaneas
deglovere , & jam quodammodo dubi-
tantes ultimum èx eis convivium præ-
parare . Romualdus autem , ut erat
sempèr alactri vultu , fidenter ait , quia
nisi Deus sibi panem per aliquem mit-
teret , ipso die nullatenus manducaret .
Discipuli verò mirantes intèr se , in-
qua spe hoc ille præsumeret certi tamè ,
quia Magister incautè aliiquid vovere
non posset , cibum jam tantæ solemnni-
tati congruum cœperunt fiducialiter
expectare . Sæxta igitur diei hora jam
propinquante , eccè tres viri onusti
pane , & vino , & aliis cibis adveniunt ,
qui

qui se dè longinquis partibus cum multo labore pèrvenisse dicunt. Tunc itaque spiritali omnes repleti gaudio, benedicentes Deum, paritè cibum sumunt: & beatum Virum per revelationem hoc cælitùs agnovisse, indubitan-
tè agnoscunt.

*De Piscœ, qui inventus est in arenis rivo
meritis S. Romualdi.*

C A P. LXVIII.

QUODAM tempore venit Vir venerabilis Syriam. Qui cùm adhuc jejunius esset, & fratres ut potè in arduis montibus piscem, quem ei ad comedendum apponeret non haberent, cœperunt intèr se quodammodo confusi erubescere, & quid pro tam venerabili hospite acquirere potuissent, anxiè cogitare. Tunc frater quidam, puto, divinitùs inspiratus, ad siccum pænè ri-
vum, qui juxta præterfluebat, cum festinatione cucurrit: ubi nimirum & aquæ exiguum erat, piscis verò illic visus numquàm penitus fuerat. Cœpit itaque frater Deum devotè deposcere, ut qui Israelitico populo aquam potuit

èx

ex arida petra producere, ipse sibi dignaretur piscem in arenati rivulo demonstrare. Confestim igitur, missa manu in exigua aqua, piscem reperit, qui beato Viro ad refectionem abundantem sufficere potuit. Deo scilicet servo suo providente convivium, inventum est in saxoso, & arido monte, velut in piscosa valle, vivarium. Sed quia de vita beati Viri haec, quae nimis paucam de multis dicta sunt, sufficere credimus, jam ad transitum veniam.

De transitu S. Romvaldi.

C A P. LXIX.

Vix denique sanctus per multa alia habitavit loca, multa alia praecipue à suis discipulis perpessus est mala, plura quoque per eum sunt facta miracula, quae nos describere ideo prætermittimus, quia longioris styli prolixitatem vitamus. Post cuncta igitur habitationum suarum loca, cum jam finem suum imminere conspiceret, tandem ad monasterium, quod in valle de Castro construxerat, rediit, ibique propinquam obitum indubitanter expectas,

cellam sibi cum Oratorio ædificari, in
qua recluderetur, & silentium usquæ ad
mortem servaret, instituit. Sanè virgin-
ti annis antè finem vitæ suæ, discipulis
suis manifestè prædixerat, quia in præ-
dicto monasterio oporteret eum quie-
scere, nulloque astante, vel funeri ex-
equias dependente, expediret eum spi-
ritum exhalare. Facto itaque recluso-
rio, cum mens ejus in eo esset, ut mox
includi deberet cœpit corpus ejus ma-
gis, magisque molestis ingravescere,
& deorsum jam velut non tam languore,
quam decrepiti longevitate senij declin-
nare. Näm à medio ferè anno nimia si-
bi flegmatis abundantia cum ipso læsi
pulmonis marcore defluxerat, & gravi
eum tussis anhelatione vexabat. Non ta-
mèn proptèr hoc Vir sanctus, vèl læcto
decumbere, vèl in quantum possibile
erat soliti rigorem jejunij acquieverat
relaxare. Quadam igitùr die cœpit pa-
nlatim corporis virtute destitui, & in-
gruente molestia gravius fatigari. Sole
itaque jam ad occasum vergente, præ-
cepit duobus fratribus; qui astabant,
ut foras exirent, cellulæ post se januam
clauderent: celebraturi verò sibi ma-
tutinos hymnos ad eum diluculò reme-
arent

arent. Cumque illi de ejus fine solliciti velut invitati exirent, non statim ad quiescendum properant, sed ne Magistrum obire contingeret, anxii, pretiosi thesauri talentum propè cellulam latentes observant. Aliquandiu igitur commorantes, cum deinceps curiosis auribus attentiūs auscultarent, & nequè motum corporis, nequè sonum vocis audirent, jam quod evenerat, veraciter opinantes, impulsa janua, velociter irruunt, lumen accendunt: & beata anima in cælum rapta, supinum jacere sanctum cadaver inveniunt. Jacebat itaque velut neglecta tunc, cælestis margarita, in summi postmodum Regis ærarium honorificè reponenda. Nimirum qui sic obiit, ut prædixit, illuc transivit, quo speravit. Vixit autem Vir beatissimus centum viginti annis, ex quibus viginti expendit in sæculo, tres duxit in monasterio, nonaginta septem in eremitico transegit proposito. Nunc igitur inter vivos cælestis Hierusalem lapides ineffabiliter rutilat, cum ignitis beatorum Spirituum turmis exultat, candidissima stola immortalitatis induitur, & ab ipso Rege Regum vibrante in perpetuum diademate coronatur.

*De dæmoniaco per particulam cilicii
ejus sanato.*

C A P. L X X.

POst sacratissimum autem Viri Venerabilis obitum , quanta miraculorum signa per eum Deus ostenderit , quis quæret transacta legere , cùm frequentè valeat , & nova videre ? Quia igitur ea , quæ apud sepulchrum ejus fiunt , miracula tanta sunt , ut melius putemus cuncta silentio præterire , quā pauca narrare ; duo solummodò , quæ per eundem beatissimum Confessorem alibi facta sunt , sufficiat nobis expondere . Denique frater quidam , qui sancti Viri dicipulus fuerat , parvam , basilicam pro anima sua Monasterio dederat , ad quam videlicet basilicam extremitatem manicæ prescissam ex beati Viri Cilicio misit , & sub altari honorifice recondi præcepit , Quam tamèn gerulus sub altari , sicut jussus fuerat , collocare neglexit , sed missam in rima parietis in cautè dereliquit . Factum est postea , ut dæmoniacus quidam ad prædictam duceretur Ecclesiam .

Cum-

Cumque astans in medio huc, illucque rotans caput, cuncta undique circumspiceret, tandem tornos oculos in ipsum parietem terribiliter coepit infigere, & intentus illuc ubi sancti Cilicij ja- cebat paticula, crebris non cessabat vocibus exclamare: Ille me eiicit, ille me eiicit, & ita clamans, protinus ab eo expulsus est. Hinc ergo jure per penditur, quid per semetipsum apud divinam clementiam impetrare non possit ante cuius brevissimam vestimenti particulam dæmon stare non potuit; & qui talia absens exhibit, quid per corporis præsentiam non exercebat?

De villico, qui vaccam rapuit, & statim extinctus est.

C A P. L X X I.

Alio quoque tempore Castaldius quidam pauperculæ mulieri vaccam violenter abstulit, & eam vociferantem, multisque præcibus obsecrante, audire contempserit. Illa protinus accurrens, duos gallinarum pullos ad Ecclesiam, quam supra memoravimus, detulit: & eos secum ante altare pro-

ciens , hujusmodi verbis clamare fletibilitè cæpit . Hèm S. Romualde, exaudi miseram nè despicias desolatam , & redde mihi gubernatricem meam injuste sublatam , mira res , vix adhuc Villicus cum ipsa rapina à dono mulieris abierat , & continuò emissione sagittæ percussus , vaccam in eodem loco dimisit , deindè domum perveniens , protinus expiravit .

De corpore S. Romualdi sano post quinque annos invento .

C A P . L X X I I .

Post quinque annos vero à sancti Viri obitu data Monachis ab Apostolica Sede licentia , ut supra venerabile corpus ejus altare construerent , Azo quidam frater silvam petijt , quatenus modicam capsam faceret , quæ sancti Confessoris ossia & pulverem tantummodo capere potuisset . Nocte igitur insecura dormienti cuidam fratri , venerabilis quidam Senex apparuit , quem protinus interrogans , ait : Ubi est huius Monasterij Prior ? quod cum ille se scire negaret , illico senex addidit : Pro fabri-

fabricanda inquit, capsa ire in silvam studvit, sed beati Viri corpus in tam exiguum vasculum non intrabit. Postera igitur die Prior, composita capsa, revertitur, & mox a fratre, qui visionem viderat, quae illum causa ad silvam invitasset, inquiritur. Quod cum ille velut labore defessus dicere noluisset, illico frater, & sui causam itineris retulit, & quod ipse viderat, exponendo per ordinem, non celavit. Defenso igitur tumulo, ita propemodum totum sancti Viri corpus sanum, illibatumque reperiunt, velut tunc fuerat, cum sepulturae illud primitus tradiderunt excepto quod tenuis quaedam mucoris lanugo in quibusdam ejus membris excrevisse videbatur. Rejecta igitur modica capsa, quae facta fuerat, illico vas aptum ad mensuram beati corporis preparant, & in eo sanctorum reliquiarum patrocinia recondentes, desuper altare solemniter consecrant. Obiit autem Vir beatissimus Romualdus decim tertio Kalendarum Julianarum Regnante Domino nostro Jesu Christo, qui cum Patre, & Spiritu sancto vivit, & gloriatur per infinita saecula saeculorum, Amen,

Quæ-

Quædam alia , quæ ad vitam S.
Romualdi spectant , ab eodem
Divo Petro Damiani spar-
sim descripta .

S. Romualdi modestia , atque prudentia .

Ex Tom. 1. lib. 6. Epist. 16. pag. 288. A

Beatus aliquandò Romualdus redi-
ens à Sybillæ Comitissæ colloquio, co-
mitanti fertur, callidè dixisse discipulo:
quam elegantis , ait , & venusti vultus
fæmina , nisi , pròh dolor , unius oculi
dispendio laboraret ? cui discipulus ,
absit , Magister , inquit , sicut decora
certe facies , ita quoque oculi , prout
sagagiter deprehendi nihilominus inco-
lumes vigent . Quem Magister acerri-
ma protinus animadversione corripiés ,
& quis te , inquit , in faciem fæminarū
respicere docuit ? tunc ille circumuen-
tum se esse respiciens pænitētia ductus ,
erubuit : & de cæterò cautiore se fore ,
obstinatissima pollicitatione denovit .

*S. Romualdi consilium, ut sobrietatem
seruemus, & hypocrism fugiamus.*

Ex ead. Epist. pag. 290. E

Nec ineptus applices, quod sene
suis discipulis Vir Domini Romualdus
ajebat fratres, inquit, cum in quorum-
libet conventu reficitis, intentis ad ci-
bum cæteris in ipso refectionis initio
parcite, & cum jam illis ex parte sa-
tisfactum fuerit, vos inchoate, quate-
nus & hypocrisis notam possitis evade-
re, & sobrietatis regulam sine offendio-
ne servare.

*Ordo persolvendi Psalterium pro vivis a
S. Romualdo institutus.*

Ex To. 3. Opusc. 15. cap. 19. pag. 151. F

Psalterium, quod est vivorum, cum
illis dicitur additamentis, quæ Beatus
Romualdus apponit, quæ etiam nos
non gravemur inferere; ne nos con-
queratur forte novitus, quæ fibi ma-
gnoperè nescenda sunt, præterisse.
Decursis planè quinque psalmis, pro-
tinus subinfertur: Gloria tibi Trinitas,
æqua-

æqualis una Deitas , & ante omne sæ-
 culum , & nunc , & in perpetuum .
 Orate pro nobis omnes sancti Dei , ut
 digni efficiamur promissionibus Domini
 Dei nostri Jesu Christi . Pater noster .
 His expletis , mōx subditur : Adjuto-
 rium nostrum in nomine Domini . Qui
 fecit cælum , & terram . Et evolutis
 aliis quinque psalmis , tūc dicitur : Te
 Deum Patrem ingenitum , te Filium
 unigenitum , te Spiritum sanctum Pa-
 raclitum , sanctam , & individuam Tri-
 nitatem , toto corde , & ore confitemur ,
 laudamus , atque benedicamus tibi glo-
 ria in sæcula , Amen . Domine Deus in
 adjutorium meum intende , Domine ad
 adjuyandum me festina . Confundantur ,
 & revereantur inimici mei , qui quæ-
 runt animam meam . Adiutor meus &
 liberator meus esto , Domine ne tarda-
 veris . & Gloria Patri , & Filio , &
 Spiritui sancto . Quo finito rursus dici-
 tur : Adjutorium nostrum in nomine
 Domini . Hæc igitur per quinque nos
 psalmos alternatim semper adduntur ,
 donec psalterium cum tribus Domini-
 calibus , nec non & totius hebdomadæ
 Canticis expleatur , His etiam non ne-
 glectis , quæ in fine Psalterii videntur
 adje-

131

adjecta, videlicet. Te Deum laudamus:
Nunc dimittis Domine servum tuum ;
duobus symbolis ; Gloria in excelsis
Deo ; Pater noster , cum fide catholi-
ca ; postremò litaniæ cum orationibus
hæc omnia consueto fine concludunt .

Sancti Romualdi disciplinæ discretio.

Ex eod. Opusc. c. 16.. pag. 254. C

Nos approbamus, quod suis sæpè di-
scipulis beatus Romualdus dixisse pre-
hibetur : dummodò, inquit, frater qui-
libet cellam non deserat , etiam carnes
permittatur ex discretione comedere ,
si tam inevitabilis videatur necessitas
imminere . Addebat insuper . Tale e-
nim propemodùm est de Eremo ad Mo-
nasterium reverti , quale de monaste-
riali ordine ad sæculum asportari . Un-
dè necesse est , ut quicumque Eremi-
ticæ præest fraternitati , robur cuius-
que diligenter examinet , & juxta vi-
rium facultatem necessaria submini-
stret .

Pau-

Nam & idem beatus Romualdus , ut
sui consueverunt referre discipuli , sic
æstivi temporis hebdomadas alternabat:
ut unam quidem à Dominica in Domi-
nicam in pane, & aqua jejunando transi-
geret ; alterius verò hebdomadæ pul-
mentum quinta feria manducaret .


F I N I S.

Casimirus I^{mus} Re^x Poloniæ & lithuaniæ
fuit s. J. N. Remualdi discipulus.

Hoc d^r amianus cap: 26. in vita s. Romualdi
J. Antonius Foresti s. J. in Historia Mappe
mondo. Tom: 4to parte 2a.

Mathia de Michovia Polon: l. 2. cap. 13.
qui dux Casimiro distinxit unus Ro-
manus nomine Casimiro fuit Re^x
Poloniæ tertius.

Ater post Nomine Casimiro fuit 20.
mus Re^x Poloniæ. cuius fuit filio
l. Casimirus Princeps. de quo agit Mathij.



Biblioteka Jagiellońska



stdr0029970

